

אדניהו בן חגית ואדנינו דוד לא ידע¹² ועתה לכי איעצך נא עצה ומלטי את נפשך ואת נפש בנך שלמה¹³ לכי ובאי אל המלך דוד ואמרת אליו הלא אתה אדני המלך נשבעת לאמתך לאמר כי שלמה בנך ימלך אחרי והוא ישב על כסאי ומדוע מלך אדניהו¹⁴ הנה עודך מדברת שם עם המלך ואני אבוא אחריך ומלאתי את דבריך¹⁵ ותבא בת שבע אל המלך החדרה והמלך זקן מאד ואבישג השונמית משרת את המלך¹⁶ ותקד בת שבע ותשתחו למלך ויאמר המלך מה לך¹⁷ ותאמר לו אדני אתה נשבעת ביהוה אלהיך לאמתך כי שלמה בנך ימלך אחרי והוא ישב על כסאי¹⁸ ועתה הנה אדניהו מלך ועתה אדני המלך לא ידעת¹⁹ ויזבח שור ומריא וצאן לרב ויקרא לכל בני המלך ולאביתר הכהן וליאב שר הצבא ולשלמה עבדך לא קרא²⁰ ואתה אדני המלך עיני כל ישראל עליך להגיד להם מי ישב על כסא אדני המלך אחרי²¹ והיה כשכב אדני המלך עם אבתיו והייתי אני ובני שלמה חטאים²² והנה עודנה מדברת עם המלך ונתן הנביא בא²³ ויגידו למלך לאמר הנה נתן הנביא ויבא לפני המלך וישתחו למלך על אפיו ארצה²⁴ ויאמר נתן אדני

¹ BHS has been faithful to the Leningrad Codex where there might be a question of the validity of the form and we keep the same form as BHS.

1 Kings

מלכים א

1 והמלך דוד זקן בא בימים ויכסהו בבגדים ולא יחם לו² ויאמרו לו עבדיו יבקשו לאדני המלך נערה בתולה ועמדה לפני המלך ותהי לו סכנת ושכבה בחיקך וחם לאדני המלך³ ויבקשו נערה יפה בכל גבול ישראל וימצאו את אבישג השונמית ויבאו אתה למלך⁴ והנערה יפה עד מאד ותהי למלך סכנת ותשרתהו והמלך לא ידעה⁵ ואדניהו בן חגית מתנשא לאמר אני אמלך ויעש לו רכב ופרשים וחמשים איש רצים לפניו⁶ ולא עצבו אביו מימיו לאמר מדוע ככה עשית וגם הוא טוב תאר מאד ואתו ילדה אחרי אבשלום⁷ ויהיו דבריו עם יואב בן צרויה ועם אביתר הכהן ויעזרו אחרי אדניהו⁸ וצדוק הכהן ובניהו בן יהוידע ונתן הנביא ושמעי ורעי והגבורים אשר לדוד לא היו עם אדניהו⁹ ויזבח אדניהו צאן ובקר ומריא עם אבן הזחלת אשר אצל עין רגל ויקרא את כל אחיו בני המלך ולכל אנשי יהודה עבדי המלך¹⁰ ואת נתן הנביא ובניהו ואת הגבורים ואת שלמה אחיו לא קרא¹¹ ויאמר נתן אל בת שבע אם שלמה לאמר הלוא שמעת כי מלך

נגיד על ישראל ועל יהודה³⁶ ויען בניהו
 בן יהוידע את המלך ויאמר אמן כן יאמר
 יהוה אלהי אדני המלך³⁷ כאשר היה
 יהוה עם אדני המלך כן יהי יהיה עם
 שלמה ויגדל את כסאו מכסא אדני המלך
 דוד³⁸ וירד צדוק הכהן ונתן הנביא ובניהו
 בן יהוידע והכרתי והפלתי וירכבו את
 שלמה על פרדת המלך דוד וילכו אתו
 על גחון³⁹ ויקח צדוק הכהן את קרן
 השמן מן האהל וימשח את שלמה
 ויתקעו בשופר ויאמרו כל העם יחי
 המלך שלמה⁴⁰ ויעלו כל העם אחריו
 והעם מחללים בחללים ושמחים שמחה
 גדולה ותבקע הארץ בקולם⁴¹ וישמע
 אדניהו וכל הקראים אשר אתו והם כלו
 לאכל וישמע יואב את קול השופר ויאמר
 מדוע קול הקריה הומה⁴² עודנו מדבר
 והנה יונתן בן אביתר הכהן בא ויאמר
 אדניהו בא כי איש חיל אתה וטוב
 תבשר⁴³ ויען יונתן ויאמר לאדניהו אבל
 אדנינו המלך דוד המליך את
 שלמה⁴⁴ וישלח אתו המלך את צדוק
 הכהן ואת נתן הנביא ובניהו בן יהוידע
 והכרתי והפלתי וירכבו אתו על פרדת
 המלך⁴⁵ וימשחו אתו צדוק הכהן ונתן
 הנביא למלך בגחון ויעלו משם שמחים
 ותהם הקריה הוא הקול אשר
 שמעתם⁴⁶ וגם ישב שלמה על כסא
 המלוכה⁴⁷ וגם באו עבדי המלך לברך

המלך אתה אמרת אדניהו ימלך אחרי
 והוא ישב על כסאי²⁵ כי ירד היום ויזבח
 שור ומריא וצאן לרב ויקרא לכל בני
 המלך ולשרי הצבא ולאביתר הכהן והנם
 אכלים ושתיים לפניו ויאמרו יחי המלך
 אדניהו²⁶ ולי אני עבדך ולצדק הכהן
 ולבניהו בן יהוידע ולשלמה עבדך לא
 קרא²⁷ אם מאת אדני המלך נהיה הדבר
 הזה ולא הודעת את עבדיך^{עבדיך} מי ישב
 על כסא אדני המלך אחריו ׀²⁸ ויען
 המלך דוד ויאמר קראו לי לבת שבע
 ותבא לפני המלך ותעמד לפני
 המלך²⁹ וישבע המלך ויאמר חי יהוה
 אשר פדה את נפשי מכל צרה³⁰ כי
 כאשר נשבעתי לך ביהוה אלהי ישראל
 לאמר כי שלמה בנך ימלך אחרי והוא
 ישב על כסאי תחתיו כי כן אעשה היום
 הזה³¹ ותקד בת שבע אפים ארץ
 ותשתחו למלך ותאמר יחי אדני המלך
 דוד לעלם ׀
³² ויאמר המלך דוד קראו לי לצדוק הכהן
 ולנתן הנביא ולבניהו בן יהוידע ויבאו
 לפני המלך³³ ויאמר המלך להם קחו
 עמכם את עבדי אדניכם והרכבתם את
 שלמה בני על הפרדה אשר לי והורדתם
 אתו אל גחון³⁴ ומשח אתו שם צדוק
 הכהן ונתן הנביא למלך על ישראל
 ותקעתם בשופר ואמרתם יחי המלך
 שלמה³⁵ ועליתם אחריו ובא וישב על
 כסאי והוא ימלך תחתיו ואתו צויתי להיות

נפשם לאמר לא יכרת לך איש מעל כסא ישראל⁵ וגם אתה ידעת את אשר עשה לי יואב בן צרויה אשר עשה לשני שרי צבאות ישראל לאבנר בן נר ולעמשא בן יתר ויהרגם וישם דמי מלחמה בשלם ויתן דמי מלחמה בחגרתו אשר במתניו ובנעלו אשר ברגליו⁶ ועשית כחכמתך ולא תורד שיבתו בשלם שאל⁷ ם ולבני ברזלי הגלעדי תעשה חסד והיו באכלי שלחנך כי כן קרבו אלי בברחי מפני אבשלום אחיך⁸ והנה עמך שמעי בן גרא בן הימיני מבחרים והוא קללני קללה נמרצת ביום לכתי מחנים והוא ירד לקראתי הירדן ואשבע לו ביהוה לאמר אם אמיתך בחרב⁹ ועתה אל תנקהו כי איש חכם אתה וידעת את אשר תעשה לו והורדת את שיבתו בדם שאל¹⁰ ם וישכב דוד עם אבתיו ויקבר בעיר דוד ן

¹¹ והימים אשר מלך דוד על ישראל ארבעים שנה בחברון מלך שבע שנים ובירושלם מלך שלשים ושלוש שנים¹² ושלמה ישב על כסא דוד אביו ותכן מלכתו מאד¹³ ויבא אדניהו בן חגית¹ אל בת שבע אם שלמה ותאמר השלום באך ויאמר שלום¹⁴ ויאמר דבר לי אליך ותאמר דבר¹⁵ ויאמר את ידעת כי לי היתה המלוכה ועלי שמו כל ישראל

את אדנינו המלך דוד לאמר ייטב אלהיך אלהים את שם שלמה משמך ויגדל את כסאו מכסאך וישתחו המלך על המשכב⁴⁸ וגם ככה אמר המלך ברוך יהוה אלהי ישראל אשר נתן היום ישב על כסאי ועיני ראות⁴⁹ ויחרדו ויקמו כל הקראים אשר לאדניהו וילכו איש לדרכו⁵⁰ ואדניהו ירא מפני שלמה ויקם וילך ויחזק בקרנות המזבח⁵¹ ויגד לשלמה לאמר הנה אדניהו ירא את המלך שלמה והנה אחז בקרנות המזבח לאמר ישבע לי כיום המלך שלמה אם ימית את עבדו בחרב⁵² ויאמר שלמה אם יהיה לבן חיל לא יפל משערתו ארצה ואם רעה תמצא בו ומת⁵³ וישלח המלך שלמה וירדהו מעל המזבח ויבא וישתחו למלך שלמה ויאמר לו שלמה לך לביתך ן

2 ויקרבו ימי דוד למות ויצו את שלמה בנו לאמר² אנכי הלך בדרך כל הארץ וחזקת והיית לאיש³ ושמרת את משמרת יהוה אלהיך ללכת בדרכיו לשמר חקתיו מצותיו ומשפטיו ועדותיו ככתוב בתורת משה למען תשכיל את כל אשר תעשה ואת כל אשר תפנה שם⁴ למען יקים יהוה את דברו אשר דבר עלי לאמר אם ישמרו בניך את דרכם ללכת לפני באמת בכל לבבם ובכל

¹ BHS has been faithful to the Leningrad Codex where there might be a question of the validity of the form and we keep the same form as BHS.

אדני יהוה לפני דוד אבי וכי התענית בכל אשר התענה אבי²⁷ ויגרש שלמה את אביתר מהיות כהן ליהוה למלא את דבר יהוה אשר דבר על בית עלי בשלה פ²⁸ והשמעה באה עד יואב כי יואב נטה אחרי אדניה ואחרי אבשלום לא נטה וינס יואב אל אהל יהוה ויחזק בקרנות המזבח²⁹ ויגד למלך שלמה כי נס יואב אל אהל יהוה והנה אצל המזבח וישלח שלמה את בניהו בן יהוידע לאמר לך פגע בו³⁰ ויבא בניהו אל אהל יהוה ויאמר אליו כה אמר המלך צא ויאמר לא כי פה אמות וישב בניהו את המלך דבר לאמר כה דבר יואב וכה ענני³¹ ויאמר לו המלך עשה כאשר דבר ופגע בו וקברתו והסירת דמי חנם אשר שפך יואב מעלי ומעל בית אבי³² והשיב יהוה את דמו על ראשו אשר פגע בשני אנשים צדקים וטבים ממנו ויהרגם בחרב ואבי דוד לא ידע את אבנר בן נר שר צבא ישראל ואת עמשא בן יתר שר צבא יהודה³³ וישבו דמיהם בראש יואב ובראש זרעו לעלם ולדוד ולזרעו ולביתו ולכסאו יהיה שלום עד עולם מעם יהוה³⁴ ויעל בניהו בן יהוידע ויפגע בו וימתהו ויקבר בביתו במדבר³⁵ ויתן המלך את בניהו בן יהוידע תחתיו על הצבא ואת צדוק הכהן נתן המלך תחת אביתר³⁶ וישלח המלך ויקרא לשמעיה ויאמר לו בנה לך בית בירושלם וישבת

פניהם למלך ותסב המלוכה ותהי לאחי כי מיהוה היתה לו¹⁶ ועתה שאלה אחת אנכי שאל מאתך אל תשבי את פני ותאמר אליו דבר¹⁷ ויאמר אמרי נא לשלמה המלך כי לא ישיב את פניך ויתן לי את אבישג השונמית לאשה¹⁸ ותאמר בת שבע טוב אנכי אדבר עליך אל המלך¹⁹ ותבא בת שבע אל המלך שלמה לדבר לו על אדניהו ויקם המלך לקראתה וישתחו לה וישב על כסאו וישם כסא לאם המלך ותשב לימינו²⁰ ותאמר שאלה אחת קטנה אנכי שאלת מאתך אל תשב את פני ויאמר לה המלך שאלי אמי כי לא אשיב את פניך²¹ ותאמר יתן את אבישג השונמית לאדניהו אחיך לאשה²² ויען המלך שלמה ויאמר לאמו ולמה את שאלת את אבישג השונמית לאדניהו ושאלי לו את המלוכה כי הוא אחי הגדול ממני ולו ולאביתר הכהן וליואב בן צרויה פ²³ וישבע המלך שלמה ביהוה לאמר כה יעשה לי אלהים וכה יוסיף כי בנפשו דבר אדניהו את הדבר הזה²⁴ ועתה חי יהוה אשר הכינני **ויושיבני ויושיבני** על כסא דוד אבי ואשר עשה לי בית כאשר דבר כי היום יומת אדניהו²⁵ וישלח המלך שלמה ביד בניהו בן יהוידע ויפגע בו וימת ׀²⁶ ולאביתר הכהן אמר המלך ענתת לך על שדיך כי איש מות אתה וביום הזה לא אמיתך כי נשאת את ארון

ויקח את בת פרעה ויביאה אל עיר דוד
 עד כלתו לבנות את ביתו ואת בית יהוה
 ואת חומת ירושלם סביב² רק העם
 מזבחים בבמות כי לא נבנה בית לשם
 יהוה עד הימים ההם פ
³ ויאהב שלמה את יהוה ללכת בחקות
 דוד אביו רק בבמות הוא מזבח
 ומקטיר⁴ וילך המלך גבענה לזבח שם כי
 היא הבמה הגדולה אלף עלות יעלה
 שלמה על המזבח ההוא⁵ בגבעון נראה
 יהוה אל שלמה בחלום הלילה ויאמר
 אלהים שאל מה אתן לך⁶ ויאמר שלמה
 אתה עשית עם עבדך דוד אבי חסד גדול
 כאשר הלך לפניך באמת ובצדקה
 ובישרת לבב עמך ותשמר לו את החסד
 הגדול הזה ותתן לו בן ישב על כסאו
 כיום הזה⁷ ועתה יהוה אלהי אתה
 המלכת את עבדך תחת דוד אבי ואנכי
 נער קטן לא אדע צאת ובא⁸ ועבדך
 בתוך עמך אשר בחרת עם רב אשר לא
 ימנה ולא יספר מרב⁹ ונתת לעבדך לב
 שמע לשפט את עמך להבין בין טוב לרע
 כי מי יוכל לשפט את עמך הכבד
 הזה¹⁰ וייטב הדבר בעיני אדני כי שאל
 שלמה את הדבר הזה¹¹ ויאמר אלהים
 אליו יען אשר שאלת את הדבר הזה ולא
 שאלת לך ימים רבים ולא שאלת לך
 עשר ולא שאלת נפש איביך ושאלת לך
 הבין לשמע משפט¹² הנה עשיתי
 כדברך הנה נתתי לך לב חכם ונבון

שם ולא תצא משם אנה ואנה³⁷ והיה
 ביום צאתך ועברת את נחל קדרון ידע
 תדע כי מות תמות דמך יהיה
 בראשך³⁸ ויאמר שמעי למלך טוב הדבר
 כאשר דבר אדני המלך כן יעשה עבדך
 וישב שמעי בירושלם ימים
 רבים ס³⁹ ויהי מקץ שלש שנים
 ויברחו שני עבדים לשמעי אל אכיש בן
 מעכה מלך גת ויגידו לשמעי לאמר הנה
 עבדיך בגת⁴⁰ ויקם שמעי ויחבש את
 חמרו וילך גתה אל אכיש לבקש את
 עבדיו וילך שמעי ויבא את עבדיו
 מגת⁴¹ ויגד לשלמה כי הלך שמעי
 מירושלם גת וישב⁴² וישלח המלך ויקרא
 לשמעי ויאמר אליו הלוא השבעתיך
 ביהוה ואעד בך לאמר ביום צאתך
 והלכת אנה ואנה ידע תדע כי מות תמות
 ותאמר אלי טוב הדבר שמעתי⁴³ ומדוע
 לא שמרת את שבעת יהוה ואת המצוה
 אשר צויתי עליך⁴⁴ ויאמר המלך אל
 שמעי אתה ידעת את כל הרעה אשר
 ידע לבבך אשר עשית לדוד אבי והשיב
 יהוה את רעתך בראשך⁴⁵ והמלך שלמה
 ברוך וכסא דוד יהיה נכון לפני יהוה עד
 עולם⁴⁶ ויצו המלך את בניהו בן יהוידע
 ויצא ויפגע בו וימת והממלכה נכונה ביד
 שלמה

3 ויתחתן שלמה את פרעה מלך מצרים

לפני המלך²⁵ ויאמר המלך גזרו את הילד החי לשנים ותנו את החצי לאחת ואת החצי לאחת²⁶ ותאמר האשה אשר בנה החי אל המלך כי נכמרו רחמיה על בנה ותאמר בי אדני תנו לה את הילוד החי והמת אל תמיתהו וזאת אמרת גם לי גם לך לא יהיה גזרו²⁷ ויען המלך ויאמר תנו לה את הילוד החי והמת לא תמיתהו היא אמו²⁸ וישמעו כל ישראל את המשפט אשר שפט המלך ויראו מפני המלך כי ראו כי חכמת אלהים בקרבו לעשות משפט ׀

4 ויהי המלך שלמה מלך על כל ישראל ׀² ואלה השרים אשר לו עזריהו בן צדוק הכהן ׀³ אליחורף ואחיה בני שישא ספרים יהושפט בן אחילוד המזכיר⁴ ובניהו בן יהוידע על הצבא וצדוק ואביתר כהנים ׀⁵ ועזריהו בן נתן על הנצבים וזבוד בן נתן כהן רעה המלך⁶ ואחישר על הבית ואדנירם בן עבדא על המס ׀⁷ ולשלמה שנים עשר נצבים על כל ישראל וכלכלו את המלך ואת ביתו חדש בשנה יהיה על אחד האחד לכלל ׀⁸ ואלה שמותם בן חור בהר אפרים ׀⁹ בן דקר במקץ ובשעלבים ובית שמש ואילון בית חנן ׀¹⁰ בן חסד בארבות לו שכה וכל ארץ

אשר כמוך לא היה לפניך ואחרִיך לא יקום כמוך¹³ וגם אשר לא שאלת נתתי לך גם עשר גם כבוד אשר לא היה כמוך איש במלכים כל ימך¹⁴ ואם תלך בדרכי לשמר חקי ומצותי כאשר הלך דויד אביך והארכתני את ימך ׀¹⁵ ויקץ שלמה והנה חלום ויבוא ירושלם ויעמד לפני ארון ברית אדני ויעל עלות ויעש שלמים ויעש משתה לכל עבדיו ׀¹⁶ אז תבאנה שתיים נשים זנות אל המלך ותעמדנה לפניו¹⁷ ותאמר האשה האחת בי אדני אני והאשה הזאת ישבת בבית אחד ואלד עמה בבית¹⁸ ויהי ביום השלישי ללדתי ותלד גם האשה הזאת ואנחנו יחדו אין זר אתנו בבית זולתי שתיים אנחנו בבית¹⁹ וימת בן האשה הזאת לילה אשר שכבה עליו²⁰ ותקם בתוך הלילה ותקח את בני מאצלי ואמתך ישנה ותשכיבהו בחיקה ואת בנה המת השכיבה בחיקי²¹ ואקם בבקר להניק את בני והנה מת ואתבונן אליו בבקר והנה לא היה בני אשר ילדתי²² ותאמר האשה האחרת לא כי בני החי ובנדך המת וזאת אמרת לא כי בנדך המת ובני החי ותדברנה לפני המלך²³ ויאמר המלך זאת אמרת זה בני החי ובנדך המת וזאת אמרת לא כי בנדך המת ובני החי ׀²⁴ ויאמר המלך קחו לי חרב ויבאו החרב

עזה בכל מלכי עבר הנהר ושלוֹם היה לו
 מכל עבריו מסביב⁵ וישב יהודה וישראל
 לבטח איש תחת גפנו ותחת תאנתו מִדן
 ועד באר שבע כל ימי שלמה ׀⁶ ויהי
 לשלמה ארבעים אלף ארות סוסים
 למרכבו ושנים עשר אלף פרשים⁷ וכלכלו
 הנצבים האלה את המלך שלמה ואת כל
 הקרב אל שלחן המלך שלמה איש חדשו
 לא יעדו דבר⁸ והשערים והתבן לסוסים
 ולרכש יבאו אל המקום אשר יהיה שם
 איש כמשפטו ׀⁹ ויתן אלהים חכמה
 לשלמה ותבונה הרבה מאד ורחב לב
 כחול אשר על שפת הים¹⁰ ותרב חכמת
 שלמה מחכמת כל בני קדם ומכל חכמת
 מצרים¹¹ ויחכם מכל האדם מאיתן
 האזרחי והימן וכלכל ודרדע בני מחול
 ויהי שמו בכל הגוים סביב¹² וידבר
 שלשת אלפים משל ויהי שירו חמשה
 ואלף¹³ וידבר על העצים מן הארז אשר
 בלבנון ועד האזוב אשר יצא בקיר וידבר
 על הבהמה ועל העוף ועל הרמש ועל
 הדגים¹⁴ ויבאו מכל העמים לשמע את
 חכמת שלמה מאת כל מלכי הארץ אשר
 שמעו את חכמתו ׀¹⁵ וישלח חירם
 מלך צור את עבדיו אל שלמה כי שמע
 כי אתו משחו למלך תחת אביו כי אהב
 היה חירם לדוד כל הימים ׀¹⁶ וישלח
 שלמה אל חירם לאמר¹⁷ אתה ידעת את
 דוד אבי כי לא יכל לבנות בית לשם יהוה

חפר ׀¹¹ בן אבינדב כל נפת דאר
 טפת בת שלמה היתה לו
 לאשה ׀¹² בענא בן אחילוד תענך
 ומגדו וכל בית שאן אשר אצל צרתנה
 מתחת ליזרעאל מבית שאן עד אבל
 מחולה עד מעבר ליקמעם ׀¹³ בן
 גבר ברמת גלעד לו חות יאיר בן מנשה
 אשר בגלעד לו חבל ארגב אשר בבשן
 ששים ערים גדלות חומה ובריח
 נחשת ׀¹⁴ אחינדב בן עדא
 מחנימה¹⁵ אחימעץ בנפתלי גם הוא לקח
 את בשמת בת שלמה לאשה¹⁶ בענא בן
 חושי באשר ובעלות ׀¹⁷ יהושפט בן
 פרוח ביששכר ׀¹⁸ שמעי בן אלא
 בבנימן ׀¹⁹ גבר בן ארי בארץ גלעד
 ארץ סיחון מלך האמרי ועג מלך הבשן
 ונציב אחד אשר בארץ²⁰ יהודה וישראל
 רבים כחול אשר על הים לרב אכלים
 ושתים ושמחים

5 ושלמה היה מושל בכל הממלכות מן
 הנהר ארץ פלשתים ועד גבול מצרים
 מגשים מנחה ועבדים את שלמה כל ימי
 חייו פ
² ויהי לחם שלמה ליום אחד שלשים כר
 סלת וששים כר קמח³ עשרה בקר
 בראים ועשרים בקר רעי ומאה צאן לבד
 מאיל וצבי ויחמור וברברים אבוסים⁴ כי
 הוא רדה בכל עבר הנהר מתפסח ועד

בחדש חליפות חדש יהיו בלבנון שנים
 חדשים בביתו ואדנירם על
 המס ם ²⁹ ויהי לשלמה שבעים אלף
 נשא סבל ושמנים אלף חצב בהר ³⁰ לבד
 משרי הנצבים לשלמה אשר על
 המלאכה שלשת אלפים ושלוש מאות
 הרדים בעם העשים במלאכה ³¹ ויצו
 המלך ויסעו אבנים גדלות אבנים יקרות
 ליסד הבית אבני גזית ³² ויפסלו בני
 שלמה ובני חירום והגבלים ויכינו העצים
 והאבנים לבנות הבית ף

6 ויהי בשמונים שנה וארבע מאות שנה
 לצאת בני ישראל מארץ מצרים בשנה
 הרביעית בחדש זו הוא החדש השני
 למלך שלמה על ישראל ויבן הבית
 ליהוה ² והבית אשר בנה המלך שלמה
 ליהוה ששים אמה ארכו ועשרים רחבו
 ושלושים אמה קומתו ³ והאולם על פני
 היכל הבית עשרים אמה ארכו על פני
 רחב הבית עשר באמה רחבו על פני
 הבית ⁴ ויעש לבית חלוני שקפים
 אטמים ⁵ ויבן על קיר הבית יצוע יציע סביב
 את קירות הבית סביב להיכל ולדביר
 ויעש צלעות סביב ⁶ היצוע היציע התחתנה
 חמש באמה רחבה והתיכנה שש באמה
 רחבה והשלישית שבע באמה רחבה כי
 מגרעות נתן לבית סביב חוצה לבלתי
 אחז בקירות הבית ⁷ והבית בהבנתו אבן

אלהיו מפני המלחמה אשר סבבהו עד
 תת יהוה אתם תחת כפות רגלו
 רגלי ¹⁸ ועתה הניח יהוה אלהי לי מסביב
 אין שטן ואין פגע רע ¹⁹ והנני אמר לבנות
 בית לשם יהוה אלהי כאשר דבר יהוה
 אל דוד אבי לאמר בנך אשר אתן תחתיך
 על כסאך הוא יבנה הבית לשמי ²⁰ ועתה
 צוה ויכרתו לי ארזים מן הלבנון ועבדי
 יהיו עם עבדיך ושכר עבדיך אתן לך ככל
 אשר תאמר כי אתה ידעת כי אין בנו
 איש ידע לכרת עצים כצדנים ²¹ ויהי
 כשמע חירם את דברי שלמה וישמח
 מאד ויאמר ברוך יהוה היום אשר נתן
 לדוד בן חכם על העם הרב הזה ²² וישלח
 חירם אל שלמה לאמר שמעתי את אשר
 שלחת אלי אני אעשה את כל חפצך
 בעצי ארזים ובעצי ברושים ²³ עבדי ירדו
 מן הלבנון ימה ואני אשימם דברות בים
 עד המקום אשר תשלח אלי ונפצתים שם
 ואתה תשא ואתה תעשה את חפצי לתת
 לחם ביתי ²⁴ ויהי חירום נתן לשלמה עצי
 ארזים ועצי ברושים כל חפצו ²⁵ ושלמה
 נתן לחירם עשרים אלף כר חטים מכלת
 לביתו ועשרים כר שמן כתית כה יתן
 שלמה לחירם שנה שנה בשנה ף
²⁶ ויהוה נתן חכמה לשלמה כאשר דבר
 לו ויהי שלם בין חירם ובין שלמה ויכרתו
 ברית שניהם ²⁷ ויעל המלך שלמה מס
 מכל ישראל ויהי המס שלשים אלף
 איש ²⁸ וישלחם לבנונה עשרת אלפים

ויצפהו זהב סגור ויצף מזבח ארז²¹ ויצף
 שלמה לא נשמע בבית בהבנתו⁸ פתח
 ויעבר **ברתיקות** **ברתוקות** זהב לפני הדביר
 ויצפהו זהב²² ואת כל הבית צפה זהב עד
 תם כל הבית וכל המזבח אשר לדביר
 צפה זהב²³ ויעש בדביר שני כרובים עצי
 שמן עשר אמות קומתו²⁴ וחמש אמות
 כנף הכרוב האחת וחמש אמות כנף
 הכרוב השנית עשר אמות מקצות כנפיו
 ועד קצות כנפיו²⁵ ועשר באמה הכרוב
 השני מדה אחת וקצב אחד לשני
 הכרבים²⁶ קומת הכרוב האחד עשר
 באמה וכן הכרוב השני²⁷ ויתן את
 הכרובים בתוך הבית הפנימי ויפרשו את
 כנפי הכרבים ותגע כנף האחד בקיר וכנף
 הכרוב השני נגעת בקיר השני וכנפיהם
 אל תוך הבית נגעת כנף אל כנף²⁸ ויצף
 את הכרובים זהב²⁹ ואת כל קירות הבית
 מסב קלע פתוחי מקלעות כרובים
 ותמרת ופטורי צצים מלפנים
 ולחיצון³⁰ ואת קרקע הבית צפה זהב
 לפנימה ולחיצון³¹ ואת פתח הדביר עשה
 דלתות עצי שמן האיל מזוזות
 חמשית³² ושתי דלתות עצי שמן וקלע
 עליהם מקלעות כרובים ותמרות ופטורי
 צצים וצפה זהב וירד על הכרובים ועל
 התמרות את הזהב³³ וכן עשה לפתח
 ההיכל מזוזות עצי שמן מאת
 רבעית³⁴ ושתי דלתות עצי ברושים שני

שלמה מסע נבנה ומקבות והגרזן כל כלי
 ברזל לא נשמע בבית בהבנתו⁸ פתח
 הצלע התיכנה אל כתף הבית הימנית
 ובלולים יעלו על התיכנה ומן התיכנה אל
 השלשים⁹ ויבן את הבית ויכלהו ויספן
 את הבית גבים ושדרת בארזים¹⁰ ויבן
 את **היצוע היציע** על כל הבית חמש אמות
 קומתו ויאחז את הבית בעצי ארזים פ
¹¹ ויהי דבר יהוה אל שלמה
 לאמר¹² הבית הזה אשר אתה בנה אם
 תלך בחקתי ואת משפטי תעשה ושמרת
 את כל מצותי ללכת בהם והקמתי את
 דברי אתך אשר דברתי אל דוד
 אביך¹³ ושכנתי בתוך בני ישראל ולא
 אעזב את עמי ישראל ם¹⁴ ויבן שלמה
 את הבית ויכלהו¹⁵ ויבן את קירות הבית
 מביתה בצלעות ארזים מקרקע הבית עד
 קירות הספן צפה עץ מבית ויצף את
 קרקע הבית בצלעות ברושים¹⁶ ויבן את
 עשרים אמה **מירכותי** **מירכתי** הבית
 בצלעות ארזים מן הקרקע עד הקירות
 ויבן לו מבית לדביר לקדש
 הקדשים¹⁷ וארבעים באמה היה הבית
 הוא ההיכל לפני¹⁸ וארז אל הבית פנימה
 מקלעת פקעים ופטורי צצים הכל ארז
 אין אבן נראה¹⁹ ודביר בתוך הבית
 מפנימה הכין לתת שם את ארון ברית
 יהוה²⁰ ולפני הדביר עשרים אמה ארך
 ועשרים אמה רחב ועשרים אמה קומתו

ובית יעשה לבת פרעה אשר לקח שלמה
 כאולם הזה⁹ כל אלה אבנים יקרת כמדת
 גזית מגררות במגרה מבית ומחוץ וממסד
 עד הטפחות ומחוץ עד החצר
 הגדולה¹⁰ ומיסד אבנים יקרות אבנים
 גדלות אבני עשר אמות ואבני שמנה
 אמות¹¹ ומלמעלה אבנים יקרות כמדות
 גזית וארז¹² וחצר הגדולה סביב שלשה
 טורים גזית וטור כרתת ארזים ולחצר
 בית יהוה הפנימית ולאום הבית פ¹³
 וישלח המלך שלמה ויקח את חירם
 מצר¹⁴ בן אשה אלמנה הוא ממטה
 נפתלי ואביו איש צרי חרש נחשת וימלא
 את החכמה ואת התבונה ואת הדעת
 לעשות כל מלאכה בנחשת ויבוא אל
 המלך שלמה ויעש את כל
 מלאכתו¹⁵ ויצר את שני העמודים נחשת
 שמנה עשרה אמה קומת העמוד האחד
 וחוט שתים עשרה אמה יסב את העמוד
 השני¹⁶ ושתי כתר עשה לתת על ראשי
 העמודים מצק נחשת חמש אמות קומת
 הכתר האחת וחמש אמות קומת
 הכתר השנית¹⁷ שבכים מעשה שבכה
 גדלים מעשה שרשרות לכתרת אשר על
 ראש העמודים שבעה לכתרת האחת
 ושבעה לכתרת השנית¹⁸ ויעש את
 העמודים ושני טורים סביב על השבכה
 האחת לכסות את הכתר אשר על ראש
 הרמנים וכן עשה לכתרת
 השנית¹⁹ וכתרת אשר על ראש העמודים

צלעים הדלת האחת גלילים ושני קלעים
 הדלת השנית גלילים³⁵ וקלע כרובים
 ותמרות ופטרי צצים וצפה זהב מישר על
 המחקה³⁶ ויבן את החצר הפנימית
 שלשה טורי גזית וטור כרתת
 ארזים³⁷ בשנה הרביעית יסד בית יהוה
 בירח זו³⁸ ובשנה האחת עשרה בירח
 בול הוא החדש השמיני כלה הבית לכל
 דבריו ולכל משפטו^{משפטו} ויבנהו שבע
 שנים

7 ואת ביתו בנה שלמה שלש עשרה
 שנה ויכל את כל ביתו² ויבן את בית יער
 הלבנון מאה אמה ארכו וחמשים אמה
 רחבו ושלשים אמה קומתו על ארבעה
 טורי עמודי ארזים וכרתות ארזים על
 העמודים³ וספן בארז ממעל על הצלעת
 אשר על העמודים ארבעים וחמשה
 חמשה עשר הטור⁴ ושקפים שלשה
 טורים ומחזה אל מחזה שלש
 פעמים⁵ וכל הפתחים והמזוזות רבעים
 שקף ומול מחזה אל מחזה שלש
 פעמים⁶ ואת אולם העמודים עשה
 חמשים אמה ארכו ושלשים אמה רחבו
 ואולם על פניהם ועמדים ועב על
 פניהם⁷ ואולם הכסא אשר ישפט שם
 אלם המשפט עשה וספן בארז מהקרקע
 עד הקרקע⁸ וביתו אשר ישב שם חצר
 האחרת מבית לאולם כמעשה הזה היה

אופני נחשת למכונה האחת וסרני נחשת
וארבעה פעמתיו כתפת להם מתחת
לכיר הכתפת יצקות מעבר איש
ליות³¹ ופיהו מבית לכתרת ומעלה באמה
ופיה עגל מעשה כן אמה וחצי האמה וגם
על פיה מקלעות ומסגרתיהם מרבעות
לא עגלות³² וארבעת האופנים למתחת
למסגרות וידות האופנים במכונה וקומת
האופן האחד אמה וחצי
האמה³³ ומעשה האופנים כמעשה אופן
המרכבה ידותם וגביהם וחשקיהם
וחשריהם הכל מוצק³⁴ וארבע כתפות
אל ארבע פנות המכנה האחת מן המכנה
כתפיה³⁵ ובראש המכונה חצי האמה
קומה עגל סביב ועל ראש המכנה ידחיה
ומסגרתיה ממנה³⁶ ויפתח על הלחת
ידחיה ועל **ומסגרתיה** מסגרתיה כרובים
אריות ותמרת כמער איש וליות
סביב³⁷ כזאת עשה את עשר המכנות
מוצק אחד מדה אחת קצב אחד
לכלהנה ׀ ³⁸ ויעש עשרה כירות
נחשת ארבעים בת יכיל הכיור האחד
ארבע באמה הכיור האחד כיור אחד על
המכונה האחת לעשר המכנות³⁹ ויתן
את המכנות חמש על כתף הבית מימין
וחמש על כתף הבית משמאלו ואת הים
נתן מכתף הבית הימנית קדמה ממול
נגב ׀ ⁴⁰ ויעש חירום את הכירות ואת
היעים ואת המזרקות ויכל חירם לעשות
את כל המלאכה אשר עשה למלך

מעשה שושן באולם ארבע
אמות²⁰ וכתרת על שני העמודים גם
ממעל מלעמת הבטן אשר לעבר **שבכה**
השבכה והרמונים מאתים טרים סביב על
הכתרת השנית²¹ ויקם את העמדים
לאלם ההיכל ויקם את העמוד הימני
ויקרא את שמו יכין ויקם את העמוד
השמאלי ויקרא את שמו בעז²² ועל ראש
העמודים מעשה שושן ותתם מלאכת
העמודים²³ ויעש את הים מוצק עשר
באמה משפתו עד שפתו עגל סביב
וחמש באמה קומתו **וקוה** וקו שלשים
באמה יסב אתו סביב²⁴ ופקעים מתחת
לשפתו סביב סבבים אתו עשר באמה
מקפים את הים סביב שני טורים הפקעים
יצקים ביצקתו²⁵ עמד על שני עשר בקר
שלשה פנים צפונה ושלשה פנים ימה
ושלשה פנים נגבה ושלשה פנים מזרחה
והים עליהם מלמעלה וכל אחריהם
ביתה²⁶ ועביו טפח ושפתו כמעשה שפת
כוס פרח שושן אלפים בת יכיל ׀
²⁷ ויעש את המכנות עשר נחשת ארבע
באמה ארך המכונה האחת וארבע
באמה רחבה ושלש באמה קומתה²⁸ וזה
מעשה המכונה מסגרת להם ומסגרת בין
השלבים²⁹ ועל המסגרות אשר בין
השלבים אריות בקר וכרובים ועל
השלבים כן ממעל ומתחת לאריות
ולבקר ליות מעשה מורד³⁰ וארבעה

שלמה בית יהוה ויבא שלמה את קדשי
דוד אביו את הכסף ואת הזהב ואת
הכלים נתן באצרות בית יהוה פ

8 אז יקהל שלמה את זקני ישראל את
כל ראשי המטות נשיאי האבות לבני
ישראל אל המלך שלמה ירושלם
להעלות את ארון ברית יהוה מעיר דוד
היא ציון² ויקהלו אל המלך שלמה כל
איש ישראל בירח האתנים בחג הוא
החדש השביעי³ ויבאו כל זקני ישראל
וישאו הכהנים את הארון⁴ ויעלו את
ארון יהוה ואת אהל מועד ואת כל כלי
הקדש אשר באהל ויעלו אתם הכהנים
והלויים⁵ והמלך שלמה וכל עדת ישראל
הנועדים עליו אתו לפני הארון מזבחים
צאן ובקר אשר לא יספרו ולא ימנו
מרב⁶ ויבאו הכהנים את ארון ברית יהוה
אל מקומו אל דביר הבית אל קדש
הקדשים אל תחת כנפי הכרובים⁷ כי
הכרובים פרשים כנפים אל מקום הארון
ויסכו הכרבים על הארון ועל בדיו
מלמעלה⁸ ויארכו הבדים ויראו ראשי
הבדים מן הקדש על פני הדביר ולא יראו
החוצה ויהיו שם עד היום הזה⁹ אין
בארון רק שני לחות האבנים אשר הנח
שם משה בחרב אשר כרת יהוה עם בני
ישראל בצאתם מארץ מצרים¹⁰ ויהי
בצאת הכהנים מן הקדש והענן מלא את

שלמה בית יהוה⁴¹ עמדים שנים וגלת
הכתרת אשר על ראש העמדים שתיים
והשבכות שתיים לכסות את שתי גלת
הכתרת אשר על ראש העמודים⁴² ואת
הרמנים ארבע מאות לשתי השבכות שני
טורים רמנים לשבכה האחת לכסות את
שתי גלת הכתרת אשר על פני
העמודים⁴³ ואת המכנות עשר ואת
הכירת עשרה על המכנות⁴⁴ ואת הים
האחד ואת הבקר שנים עשר תחת
הים⁴⁵ ואת הסירות ואת היעים ואת
המזרקות ואת כל הכלים האהל האלה^a
אשר עשה חירם למלך שלמה בית יהוה
נחשת ממרט⁴⁶ בככר הירדן יצקם המלך
במעבה האדמה בין סכות ובין
צרתן⁴⁷ וינח שלמה את כל הכלים מרב
מאד מאד לא נחקר משקל
הנחשת⁴⁸ ויעש שלמה את כל הכלים
אשר בית יהוה את מזבח הזהב ואת
השלחן אשר עליו לחם הפנים
זהב⁴⁹ ואת המנרות חמש מימין וחמש
משמאל לפני הדביר זהב סגור והפרח
והנרת והמלקחים זהב⁵⁰ והספות
והמזמרות והמזרקות והכפות והמחתות
זהב סגור והפתות לדלתות הבית הפנימי
לקדש הקדשים לדלתי הבית להיכל
זהב פ

⁵¹ ותשלם כל המלאכה אשר עשה המלך

a Adaptations to a Qere which L and BHS, by their design, do not indicate.

כמוך אלהים בשמים ממעל ועל הארץ
מתחת שמר הברית והחסד לעבדיך
ההלכים לפניך בכל לבם²⁴ אשר שמרת
לעבדך דוד אבי את אשר דברת לו
ותדבר בפיו ובידך מלאת כיום
הזה²⁵ ועתה יהוה אלהי ישראל שמר
לעבדך^c דוד אבי את אשר דברת לו
לאמר לא יכרת לך איש מלפני ישב על
כסא ישראל רק אם ישמרו בניך את
דרכם ללכת לפני כאשר הלכת
לפני²⁶ ועתה אלהי ישראל יאמן נא **דבריך**
דברך אשר דברת לעבדך דוד אבי²⁷ כי
האמנם ישב אלהים על הארץ הנה
השמים ושמי השמים לא יכלכלוך אף כי
הבית הזה אשר בניתי²⁸ ופניתי אל תפלת
עבדך ואל תחנתו יהוה אלהי לשמע אל
הרנה ואל התפלה אשר עבדך מתפלל
לפניך היום²⁹ להיות עינך פתחות אל
הבית הזה לילה ויום אל המקום אשר
אמרת יהיה שמי שם לשמע אל התפלה
אשר יתפלל עבדך אל המקום
הזה³⁰ ושמעת אל תחנת עבדך ועמד
ישראל אשר יתפללו אל המקום הזה
ואתה תשמע אל מקום שבתך אל
השמים ושמעת וסלחת³¹ את אשר
יחטא איש לרעהו ונשא בו אלה להאלתו
ובא אלה לפני מזבחת בבית הזה³² ואתה
תשמע השמים ועשית ושפטת את

בית יהוה¹¹ ולא יכלו הכהנים לעמד
לשרת מפני הענן כי מלא כבוד יהוה את
בית יהוה פ
¹² אז אמר שלמה יהוה אמר לשכן
בערפל¹³ בנה בניתי בית זבל לך מכון
לשבתך עולמים¹⁴ ויסב המלך את פניו
ויברך את כל קהל ישראל וכל קהל
ישראל עמד¹⁵ ויאמר ברוך יהוה אלהי
ישראל אשר דבר בפיו את דוד אבי
ובידו מלא לאמר¹⁶ מן היום אשר
הוצאתי את עמי את ישראל ממצרים לא
בחרתי בעיר מכל שבטי ישראל לבנות
בית להיות שמי שם ואבחר בדוד להיות
על עמי ישראל¹⁷ ויהי עם לבב דוד אבי
לבנות בית לשם יהוה אלהי
ישראל¹⁸ ויאמר יהוה אל דוד אבי יען
אשר היה עם לבבך לבנות בית לשמי
הטיבת כי היה עם לבבך¹⁹ רק אתה לא
תבנה הבית כי אם בנך היצא מחלצוך
הוא יבנה הבית לשמי²⁰ ויקם יהוה את
דברו אשר דבר ואקם תחת דוד אבי
ואשב על כסא ישראל כאשר דבר יהוה
ואבנה הבית לשם יהוה אלהי
ישראל²¹ ואשם שם מקום לארון אשר
שם ברית יהוה אשר כרת עם אבותינו
בהוציאו אתם מארץ
מצרים ס ויעמד שלמה לפני מזבח
יהוה נגד כל קהל ישראל ויפרש כפיו
השמים²³ ויאמר יהוה אלהי ישראל אין

c We read one or more accents in L differently than BHS. Often this notation indicates a typographical error in BHS.

ובא והתפלל אל הבית הזה⁴³ אתה
 תשמע השמים מכון שבתך ועשית ככל
 אשר יקרא אליך הנכרי למען ידעון כל
 עמי הארץ את שמך ליראה אתך כעמך
 ישראל ולדעת כי שמך נקרא על הבית
 הזה אשר בניתי⁴⁴ כי יצא עמך למלחמה
 על איבו בדרך אשר תשלחם והתפללו
 אל יהוה דרך העיר אשר בחרת בה
 והבית אשר בניתי לשמך⁴⁵ ושמעת
 השמים את תפלתם ואת תחנונם ועשית
 משפטם⁴⁶ כי יחטאו לך כי אין אדם אשר
 לא יחטא ואנפת בם ונתתם לפני אויב
 ושבום שביהם אל ארץ האויב רחוקה או
 קרובה⁴⁷ והשיבו אל לבם בארץ אשר
 נשבו שם ושבו והתחנונו אליך בארץ
 שביהם לאמר חטאנו והעוינו
 רשענו⁴⁸ ושבנו אליך בכל לבבם ובכל
 נפשם בארץ איביהם אשר שבו אתם
 והתפללו אליך דרך ארצם אשר נתתה
 לאבותם העיר אשר בחרת והבית אשר
בנית **בנית** לשמך⁴⁹ ושמעת השמים מכון
 שבתך את תפלתם ואת תחנונם ועשית
 משפטם⁵⁰ וסלחת לעמך אשר חטאו לך
 ולכל פשעיהם אשר פשעו בך ונתתם
 לרחמים לפני שביהם ורחמום⁵¹ כי עמך
 ונחלתך הם אשר הוצאת ממצרים מתוך
 כור הברזל⁵² להיות עיניך פתחות אל
 תחנונת עבדך ואל תחנונת עמך ישראל
 לשמע אליהם בכל קראם אליך⁵³ כי
 אתה הבדלתם לך לנחלה מכל עמי

עבדיך להרשיע רשע לתת דרכו בראשו
 ולהצדיק צדיק לתת לו
 כצדקתו ׀³³ בהנגף עמך ישראל לפני
 אויב אשר יחטאו לך ושבו אליך והודו
 את שמך והתפללו והתחנונו אליך בבית
 הזה³⁴ ואתה תשמע השמים וסלחת
 לחטאת עמך ישראל והשבתם אל
 האדמה אשר נתת
 לאבותם ׀³⁵ בהעצר שמים ולא יהיה
 מטר כי יחטאו לך והתפללו אל המקום
 הזה והודו את שמך ומחטאתם ישובון כי
 תענם³⁶ ואתה תשמע השמים וסלחת
 לחטאת עבדיך ועמך ישראל כי תורם
 את הדרך הטובה אשר ילכו בה ונתתה
 מטר על ארצך אשר נתתה לעמך
 לנחלה ׀³⁷ רעב כי יהיה בארץ דבר
 כי יהיה שדפון ירקון ארבה חסיל כי יהיה
 כי יצר לו איבו בארץ שעריו כל נגע כל
 מחלה³⁸ כל תפלה כל תחנה אשר תהיה
 לכל האדם לכל עמך ישראל אשר ידעון
 איש נגע לבבו ופרש כפיו אל הבית
 הזה³⁹ ואתה תשמע השמים מכון שבתך
 וסלחת ועשית ונתת לאיש ככל דרכיו
 אשר תדע את לבבו כי אתה ידעת לבדך
 את לבב כל בני האדם⁴⁰ למען יראוך כל
 הימים אשר הם חיים על פני האדמה
 אשר נתתה לאבותינו⁴¹ וגם אל הנכרי
 אשר לא מעמך ישראל הוא ובא מארץ
 רחוקה למען שמך⁴² כי ישמעון את שמך
 הגדול ואת ידך החזקה וזרעך הנטויה

השלמים כי מזבח הנחשת אשר לפני יהוה קטן מהכיל את העלה ואת המנחה ואת חלבי השלמים⁶⁵ ויעש שלמה בעת ההיא את החג וכל ישראל עמו קהל גדול מלבוא חמת עד נחל מצרים לפני יהוה אלהינו שבעת ימים ושבעת ימים ארבעה עשר יום⁶⁶ ביום השמיני שלח את העם ויברכו את המלך וילכו לאהליהם שמחים וטובי לב על כל הטובה אשר עשה יהוה לדוד עבדו ולישראל עמו

9 ויהי ככלות שלמה לבנות את בית יהוה ואת בית המלך ואת כל חשק שלמה אשר חפץ לעשות^פ וירא יהוה אל שלמה שנית כאשר נראה אליו בגבעון³ ויאמר יהוה אליו שמעתי את תפלתך ואת תחנונתך אשר התחננתה לפני הקדשתי את הבית הזה אשר בנתה לשום שמי שם עד עולם והיו עיני ולבי שם כל הימים⁴ ואתה אם תלך לפני כאשר הלך דוד אביך בתם לבב ובישר לעשות ככל אשר צויתך חקי ומשפטי תשמר⁵ והקמתי את כסא ממלכתך על ישראל לעלם כאשר דברתי על דוד אביך לאמר לא יכרת לך איש מעל כסא ישראל⁶ אם שוב תשבון אתם ובניכם מאחרי ולא תשמרו מצותי חקתי אשר נתתי לפניכם והלכתם ועבדתם אלהים אחרים והשתחיתם להם⁷ והכרתי את ישראל מעל פני האדמה אשר נתתי להם

הארץ כאשר דברת ביד משה עבדך בהוציאך את אבותינו ממצרים אדני יהוה פ

⁵⁴ ויהי ככלות שלמה להתפלל אל יהוה את כל התפלה והתחנה הזאת קם מלפני מזבח יהוה מכרע על ברכיו וכפיו פרשות השמים⁵⁵ ויעמד ויברך את כל קהל ישראל קול גדול לאמר⁵⁶ ברוך יהוה אשר נתן מנוחה לעמו ישראל ככל אשר דבר לא נפל דבר אחד מכל דברו הטוב אשר דבר ביד משה עבדו⁵⁷ יהי יהוה אלהינו עמנו כאשר היה עם אבותינו אל יעזבנו ואל יטשנו⁵⁸ להטות לבבנו אליו ללכת בכל דרכיו ולשמר מצותיו וחקיו ומשפטיו אשר צוה את אבותינו⁵⁹ ויהיו דברי אלה אשר התחננתי לפני יהוה קרבים אל יהוה אלהינו יומם ולילה לעשות משפט עבדו ומשפט עמו ישראל דבר יום ביומו⁶⁰ למען דעת כל עמי הארץ כי יהוה הוא האלהים אין עוד⁶¹ והיה לבבכם שלם עם יהוה אלהינו ללכת בחקיו ולשמר מצותיו כיום הזה⁶² והמלך וכל ישראל עמו זבחים זבח לפני יהוה⁶³ ויזבח שלמה את זבח השלמים אשר זבח ליהוה בקר עשרים ושנים אלף וצאן מאה ועשרים אלף ויחנכו את בית יהוה המלך וכל בני ישראל⁶⁴ ביום ההוא קדש המלך את תוך החצר אשר לפני בית יהוה כי עשה שם את העלה ואת המנחה ואת חלבי

תמר **תדמר** במדבר בארץ¹⁹ ואת כל ערי
 המסכנות אשר היו לשלמה ואת ערי
 הרכב ואת ערי הפרשים ואת חשק
 שלמה אשר חשק לבנות בירושלם
 ובלבנון ובכל ארץ ממשלתו²⁰ כל העם
 הנותר מן האמרי החתי הפרזי החוי
 והיבوسی אשר לא מבני ישראל
 המה²¹ בניהם אשר נתרו אחריהם בארץ
 אשר לא יכלו בני ישראל להחרימם
 ויעלם שלמה למס עבד עד היום
 הזה²² ומבני ישראל לא נתן שלמה עבד
 כי הם אנשי המלחמה ועבדיו ושריו
 ושלשיו ושרי רכבו ופרשיו²³ אלה
 שרי הנצבים אשר על המלאכה לשלמה
 חמשים וחמש מאות הרדים בעם העשים
 במלאכה²⁴ אך בת פרעה עלתה מעיר
 דוד אל ביתה אשר בנה לה אז בנה את
 המלוא²⁵ והעלה שלמה שלש פעמים
 בשנה עלות ושלמים על המזבח אשר
 בנה ליהוה והקטיר אתו^c אשר לפני יהוה
 ושלם את הבית²⁶ ואני עשה המלך
 שלמה בעציון גבר אשר את אלות על
 שפת ים סוף בארץ אדום²⁷ וישלח חירם
 באני את עבדיו אנשי אניות ידעי הים עם
 עבדי שלמה²⁸ ויבאו אופירה ויקחו משם
 זהב ארבע מאות ועשרים ככר ויבאו אל
 המלך שלמה פ

ואת הבית אשר הקדשתי לשמי אשלח
 מעל פני והיה ישראל למשל ולשנינה
 בכל העמים⁸ והבית הזה יהיה עליון כל
 עבר עליו ישם ושרק ואמרו על מה עשה
 יהוה ככה לארץ הזאת ולבית
 הזה⁹ ואמרו על אשר עזבו את יהוה
 אלהיהם אשר הוציא את אבתם מארץ
 מצרים ויחזקו באלהים אחרים **וישתחו**
וישתחו להם ויעבדם על כן הביא יהוה
 עליהם את כל הרעה הזאת פ
¹⁰ ויהי מקצה עשרים שנה אשר בנה
 שלמה את שני הבתים את בית יהוה ואת
 בית המלך¹¹ חירם מלך צר נשא את
 שלמה בעצי ארזים ובעצי ברושים ובזהב
 לכל חפצו אז יתן המלך שלמה לחירם
 עשרים עיר בארץ הגליל¹² ויצא חירם
 מצר לראות את הערים אשר נתן לו
 שלמה ולא ישרו בעיניו¹³ ויאמר מה
 הערים האלה אשר נתתה לי אחי ויקרא
 להם ארץ כבול עד היום הזה פ
¹⁴ וישלח חירם למלך מאה ועשרים ככר
 זהב¹⁵ וזה דבר המס אשר העלה המלך
 שלמה לבנות את בית יהוה ואת ביתו
 ואת המלוא ואת חומת ירושלם ואת חצר
 ואת מגדו ואת גזר¹⁶ פרעה מלך מצרים
 עלה וילכד את גזר וישרפה באש ואת
 הכנעני הישב בעיר הרג ויתנה שלחים
 לבתו אשת שלמה¹⁷ ויבן שלמה את גזר
 ואת בית חרן תחתון¹⁸ ואת בעלת ואת

c We read one or more accents in L differently than
 BHS. Often this notation indicates a typographical
 error in BHS.

יקרה¹² ויעש המלך את עצי האלמגים
 מסעד לבית יהוה ולבית המלך וכנרות
 ונבלים לשרים לא בא כן עצי אלמגים
 ולא נראה עד היום הזה¹³ והמלך שלמה
 נתן למלכת שבא את כל חפצה אשר
 שאלה מלבד אשר נתן לה כיד המלך
 שלמה ותפן ותלך לארצה היא
 ועבדיה ם¹⁴ ויהי משקל הזהב אשר
 בא לשלמה בשנה אחת שש מאות
 ששים ושש ככר זהב¹⁵ לבד מאנשי
 התרים ומסחר הרכלים וכל מלכי הערב
 ופחות הארץ¹⁶ ויעש המלך שלמה
 מאתים צנה זהב שחוט שש מאות זהב
 יעלה על הצנה האחת¹⁷ ושלוש מאות
 מגנים זהב שחוט שלשת מנים זהב יעלה
 על המגן האחת ויתנם המלך בית יער
 הלבנון ף¹⁸
¹⁸ ויעש המלך כסא שן גדול ויצפהו זהב
¹⁹ מופז שש מעלות לכסה וראש עגל
 לכסה מאחריו וידת מזה ומזה אל מקום
 השבת ושנים אריות עמדים אצל
 הידות²⁰ ושנים עשר אריים עמדים שם
 על שש המעלות מזה ומזה לא נעשה כן
 לכל ממלכות²¹ וכל כלי משקה המלך
 שלמה זהב וכל כלי בית יער הלבנון זהב
 סגור אין כסף לא נחשב בימי שלמה
 למאומה²² כי אני תרשיש למלך בים עם
 אני חירם אחת לשלוש שנים תבוא אני
 תרשיש נשאת זהב וכסף שנהבים וקפים

10 ומלכת שבא שמעת את שמע
 שלמה לשם יהוה ותבא לנסתו
 בחידות² ותבא ירושלמה בחיל כבד
 מאד גמלים נשאים בשמים וזהב רב מאד
 ואבן יקרה ותבא אל שלמה ותדבר אליו
 את כל אשר היה עם לבבה³ ויגד לה
 שלמה את כל דבריה לא היה דבר נעלם
 מן המלך אשר לא הגיד לה⁴ ותרא
 מלכת שבא את כל חכמת שלמה והבית
 אשר בנה⁵ ומאכל שלחנו ומושב עבדיו
 ומעמד משרתו⁶ ומשרתיו ומלבשיהם ומשקיו
 ועלתו אשר יעלה בית יהוה ולא היה בה
 עוד רוח⁶ ותאמר אל המלך אמת היה
 הדבר אשר שמעתי בארצי על דבריך
 ועל חכמתך⁷ ולא האמנתי לדברים עד
 אשר באתי וטראינה עיני והנה לא הגד
 לי החצי הוספת חכמה וטוב אל
 השמועה אשר שמעתי⁸ אשרי אנשיך
 אשרי עבדיך אלה העמדים לפניך תמיד
 השמעים את חכמתך⁹ יהי יהוה אלהיך
 ברוך אשר חפץ בך לתתך על כסא
 ישראל באהבת יהוה את ישראל לעלם
 וישימך למלך לעשות משפט
 וצדקה¹⁰ ותתן למלך מאה ועשרים ככר
 זהב ובשמים הרבה מאד ואבן יקרה לא
 בא כבשם ההוא עוד לרב אשר נתנה
 מלכת שבא למלך שלמה¹¹ וגם אני
 חירם אשר נשא זהב מאופיר הביא
 מאפיר עצי אלמגים הרבה מאד ואבן

אביו⁵ וילך שלמה אחרי עשתרת אלהי
 צדנים ואחרי מלכם שקץ עמנים⁶ ויעש
 שלמה הרע בעיני יהוה ולא מלא אחרי
 יהוה כדוד אביו ׀⁷ אז יבנה שלמה
 במה לכמוש שקץ מואב בהר אשר על
 פני ירושלם ולמלך שקץ בני עמון⁸ וכן
 עשה לכל נשיו הנכריות מקטירות
 ומזבחות לאלהיהן⁹ ויתאנף יהוה בשלמה
 כי נטה לבבו מעם יהוה אלהי ישראל
 הנראה אליו פעמים¹⁰ וצוה אליו על
 הדבר הזה לבלתי לכת אחרי אלהים
 אחרים ולא שמר את אשר צוה יהוה ׀¹¹
 ויאמר יהוה לשלמה יען אשר היתה
 זאת עמך ולא שמרת בריתי וחקתי אשר
 צויתי עליך קרע אקרע את הממלכה
 מעליך ונתתיה לעבדך¹² אך בימך לא
 אעשנה למען דוד אביך מיד בנך
 אקרענה¹³ רק את כל הממלכה לא
 אקרע שבט אחד אתן לבנך למען דוד
 עבדי ולמען ירושלם אשר בחרתי¹⁴ ויקם
 יהוה שטן לשלמה את הדד האדמי מזרע
 המלך הוא באדום¹⁵ ויהי בהיות דוד את
 אדום בעלות יואב שר הצבא לקבר את
 החללים ויך כל זכר באדום¹⁶ כי ששת
 חדשים ישב שם יואב וכל ישראל עד
 הכרית כל זכר באדום¹⁷ ויברח אדד הוא
 ואנשים אדמיים מעבדי אביו אתו לבוא
 מצרים והדד נער קטן¹⁸ ויקמו ממדין
 ויבאו פארן ויקחו אנשים עמם מפארן

ותכיים²³ ויגדל המלך שלמה מכל מלכי
 הארץ לעשר ולחכמה²⁴ וכל הארץ
 מבקשים את פני שלמה לשמע את
 חכמתו אשר נתן אלהים בלבו²⁵ והמה
 מבאים איש מנחתו כלי כסף וכלי זהב
 ושלמות ונשק ובשמים סוסים ופרדים
 דבר שנה בשנה ׀²⁶ ויאסף שלמה
 רכב ופרשים ויהי לו אלף וארבע מאות
 רכב ושנים עשר אלף פרשים וינחם בערי
 הרכב ועם המלך בירושלם²⁷ ויתן המלך
 את הכסף בירושלם כאבנים ואת הארזים
 נתן כשקמים אשר בשפלה לרב²⁸ ומוצא
 הסוסים אשר לשלמה ממצרים ומקוה
 סחרי המלך יקחו מקוה במחיר²⁹ ותעלה
 ותצא מרכבה ממצרים בשש מאות כסף
 וסוס בחמשים ומאה וכן לכל מלכי
 החתים ולמלכי ארם בידם יצאו ׀

11 והמלך שלמה אהב נשים נכריות
 רבות ואת בת פרעה מואביות עמניות
 אדמית צדנית חתית² מן הגוים אשר
 אמר יהוה אל בני ישראל לא תבאו בהם
 והם לא יבאו בכם אכן יטו את לבבכם
 אחרי אלהיהם בהם דבק שלמה
 לאהבה³ ויהי לו נשים שרות שבע מאות
 ופלגשים שלש מאות ויטו נשיו את
 לבו⁴ ויהי לעת זקנת שלמה נשיו הטו את
 לבבו אחרי אלהים אחרים ולא היה לבבו
 שלם עם יהוה אלהיו כלבב דויד

חדשה ושניהם לבדם בשדה ³⁰ ויתפש
 אחיה בשלמה החדשה אשר עליו
 ויקרעה שנים עשר קרעים ³¹ ויאמר
 לירבעם קח לך עשרה קרעים כי כה
 אמר יהוה אלהי ישראל הנני קרע את
 הממלכה מיד שלמה ונתתי לך את
 עשרה השבטים ³² והשבט האחד יהיה לו
 למען עבדי דוד ולמען ירושלם העיר
 אשר בחרתי בה מכל שבטי ישראל ³³ יען
 אשר עזבוני וישתחוו לעשתרת אלהי
 צדנין לכמוש אלהי מואב ולמלכם אלהי
 בני עמון ולא הלכו בדרכי לעשות הישר
 בעיני וחקתי ומשפטי כדוד אביו ³⁴ ולא
 אקח את כל הממלכה מידו כי נשיא
 אשתנו כל ימי חייו למען דוד עבדי אשר
 בחרתי אתו אשר שמר מצותי
 וחקתי ³⁵ ולקחתי המלוכה מיד בנו
 ונתתיה לך את עשרת השבטים ³⁶ ולבנו
 אתן שבט אחד למען היות ניר לדוד
 עבדי כל הימים לפני בירושלם העיר
 אשר בחרתי לי לשום שמי שם ³⁷ ואתך
 אקח ומלכת בכל אשר תאווה נפשך
 והיית מלך על ישראל ³⁸ והיה אם תשמע
 את כל אשר אצוך והלכת בדרכי ועשית
 הישר בעיני לשמור חקותי ומצותי כאשר
 עשה דוד עבדי והייתי עמך ובניתי לך
 בית נאמן כאשר בניתי לדוד ונתתני לך
 את ישראל ³⁹ ואענה את זרע דוד למען
 זאת אך לא כל הימים ׀ ⁴⁰ ויבקש
 שלמה להמית את ירבעם ויקם ירבעם

ויבאו מצרים אל פרעה מלך מצרים ויתן
 לו בית ולחם אמר לו וארץ נתן
 לו ¹⁹ וימצא הדד חן בעיני פרעה מאד
 ויתן לו אשה את אחות אשתו אחות
 תחפניס הגבירה ²⁰ ותלד לו אחות
 תחפניס את גנבת בנו ותגמלהו תחפנס
 בתוך בית פרעה ויהי גנבת בית פרעה
 בתוך בני פרעה ²¹ והדד שמע במצרים כי
 שכב דוד עם אבתיו וכי מת יואב שר
 הצבא ויאמר הדד אל פרעה שלחני ואלך
 אל ארצי ²² ויאמר לו פרעה כי מה אתה
 חסר עמי והנך מבקש ללכת אל ארצך
 ויאמר לא כי שלח תשלחני ²³ ויקם
 אלהים לו שטן את רזון בן אלידע אשר
 ברח מאת הדדעזר מלך מצרים צובה
 אדניו ²⁴ ויקבץ עליו אנשים ויהי שר גדוד
 בהרג דוד אתם וילכו דמשק וישבו בה
 וימלכו בדמשק ²⁵ ויהי שטן לישראל כל
 ימי שלמה ואת הרעה אשר הדד ויקץ
 בישראל וימלך על ארם ²⁶
 וירבעם בן נבט אפרתי מן הצרדה ושם
 אמו צרועה אשה אלמנה עבד לשלמה
 וירם יד במלך ²⁷ וזה הדבר אשר הרים יד
 במלך שלמה בנה את המלוא סגר את
 פרץ עיר דוד אביו ²⁸ והאיש ירבעם גבור
 חיל וירא שלמה את הנער כי עשה
 מלאכה הוא ויפקד אתו לכל סבל בית
 יוסף ׀ ²⁹ ויהי בעת ההיא וירבעם יצא
 מירושלם וימצא אתו אחיה השילני
 הנביא בדרך והוא מתכסה בשלמה

אשר יעצוהו ויועץ את הילדים אשר גדלו
 אתו אשר העמדים לפניו⁹ ויאמר אליהם
 מה אתם נועצים ונשיב דבר את העם
 הזה אשר דברו אלי לאמר הקל מן העל
 אשר נתן אביך עלינו¹⁰ וידברו אליו
 הילדים אשר גדלו אתו לאמר כה תאמר
 לעם הזה אשר דברו אליך לאמר אביך
 הכביד את עלנו ואתה הקל מעלינו כה
 תדבר אליהם קטני עבה ממתני
 אבי¹¹ ועתה אבי העמיס עליכם על כבוד
 ואני אוסיף על עלכם אבי יסר אתכם
 בשוטים ואני איסר אתכם בעקרבים¹² ויבו
 ויבוא ירבעם וכל העם אל רחבעם ביום
 השלישי כאשר דבר המלך לאמר שובו
 אלי ביום השלישי¹³ ויען המלך את העם
 קשה ויעזב את עצת הזקנים אשר
 יעצוהו¹⁴ וידבר אליהם כעצת הילדים
 לאמר אבי הכביד את עלכם ואני אוסיף
 על עלכם אבי יסר אתכם בשוטים ואני
 איסר אתכם בעקרבים¹⁵ ולא שמע
 המלך אל העם כי היתה סבה מעם יהוה
 למען הקים את דברו אשר דבר יהוה ביד
 אחיה השילני אל ירבעם בן נבט¹⁶ וירא
 כל ישראל כי לא שמע המלך אליהם
 וישבו העם את המלך דבר לאמר מה לנו
 חלק בדוד ולא נחלה בבן ישי לאהליך
 ישראל עתה ראה ביתך דוד וילך ישראל
 לאהליו¹⁷ ובני ישראל הישבים בערי
 יהודה וימלך עליהם רחבעם פ
 וישלח המלך רחבעם את אדרם אשר¹⁸

ויברח מצרים אל שישק מלך מצרים ויהי
 במצרים עד מות שלמה⁴¹ ויתר דברי
 שלמה וכל אשר עשה וחכמתו הלוא הם
 כתבים על ספר דברי שלמה⁴² והימים
 אשר מלך שלמה בירושלם על כל
 ישראל ארבעים שנה⁴³ וישכב שלמה עם
 אבתיו ויקבר בעיר דוד אביו וימלך
 רחבעם בנו תחתיו ׀

12 וילך רחבעם שכם כי שכם בא כל
 ישראל להמליך אתו² ויהי כשמע ירבעם
 בן נבט והוא עודנו במצרים אשר ברח
 מפני המלך שלמה וישב ירבעם
 במצרים³ וישלחו ויקראו לו ויבאו ויבא
 ירבעם וכל קהל ישראל וידברו אל
 רחבעם לאמר⁴ אביך הקשה את עלנו
 ואתה עתה הקל מעבדת אביך הקשה
 ומעלו הכבוד אשר נתן עלינו
 ונעבדך⁵ ויאמר אליהם לכו עד שלשה
 ימים ושובו אלי וילכו העם⁶ ויועץ המלך
 רחבעם את הזקנים אשר היו עמדים את
 פני שלמה אביו בהיתו חי לאמר איך
 אתם נועצים להשיב את העם הזה
 דבר⁷ וידבר וידברו^c אליו לאמר אם היום
 תהיה עבד לעם הזה ועבדתם ועניתם
 ודברת אליהם דברים טובים והיו לך
 עבדים כל הימים⁸ ויעזב את עצת הזקנים

c We read one or more accents in L differently than BHS. Often this notation indicates a typographical error in BHS.

ויאמר אלהם רב לכם מעלות ירושלם
הנה אלהיך ישראל אשר העלוך מארץ
מצרים²⁹ וישם את האחד בבית אל ואת
האחד נתן בן³⁰ ויהי הדבר הזה לחטאת
וילכו העם לפני האחד עד דן³¹ ויעש את
בית במות ויעש כהנים מקצות העם אשר
לא היו מבני לוי³² ויעש ירבעם חג בחדש
השמיני בחמשה עשר יום לחדש כחג
אשר ביהודה ויעל על המזבח כן עשה
בבית אל לזבח לעגלים אשר עשה
והעמיד בבית אל את כהני הבמות אשר
עשה³³ ויעל על המזבח אשר עשה בבית
אל בחמשה עשר יום בחדש השמיני
בחדש אשר בדא^{מלבד מלבו} ויעש חג
לבני ישראל ויעל על המזבח להקטיר פ

13 והנה איש אלהים בא מיהודה בדבר
יהוה אל בית אל וירבעם עמד על המזבח
להקטיר² ויקרא על המזבח בדבר יהוה
ויאמר מזבח מזבח כה אמר יהוה הנה בן
נולד לבית דוד יאשיהו שמו וזבח עליך
את כהני הבמות המקטרים עליך ועצמות
אדם ישרפו עליך³ ונתן ביום ההוא מופת
לאמר זה המופת אשר דבר יהוה הנה
המזבח נקרע ונשפך הדשן אשר
עליו⁴ ויהי כשמע המלך את דבר איש
האלהים אשר קרא על המזבח בבית אל
וישלח ירבעם את ידו מעל המזבח לאמר
תפשהו ותיבש ידו אשר שלח עליו ולא

על המס וירגמו כל ישראל בו אבן וימת
והמלך רחבעם התאמץ לעלות במרכבה
לנוס ירושלם¹⁹ ויפשעו ישראל בבית דוד
עד היום הזה ס²⁰ ויהי כשמע כל
ישראל כי שב ירבעם וישלחו ויקראו
אתו אל העדה וימליכו אתו על כל
ישראל לא היה אחרי בית דוד זולתי
שבט יהודה לבדו²¹ ויבאו ויבא רחבעם
ירושלם ויקהל את כל בית יהודה ואת
שבט בנימן מאה ושמנים אלף בחור
עשה מלחמה להלחם עם בית ישראל
להשיב את המלוכה לרחבעם בן שלמה פ
²² ויהי דבר האלהים אל שמעיה איש
האלהים לאמר²³ אמר אל רחבעם בן
שלמה מלך יהודה ואל כל בית יהודה
ובנימין ויתר העם לאמר²⁴ כה אמר
יהוה לא תעלו ולא תלחמו עם אחיכם
בני ישראל שובו איש לביתו כי מאתי
נהיה הדבר הזה וישמעו את דבר יהוה
וישבו ללכת כדבר יהוה ס²⁵ ויבן
ירבעם את שכם בהר אפרים וישב בה
ויצא משם ויבן את פנואל²⁶ ויאמר
ירבעם בלבו עתה תשוב הממלכה לבית
דוד²⁷ אם יעלה העם הזה לעשות זבחים
בבית יהוה בירושלם ושב לב העם הזה
אל אדניהם אל רחבעם מלך יהודה
והרגני ושב אל רחבעם מלך
יהודה²⁸ ויועץ המלך ויעש שני עגלי זהב

c We read one or more accents in L differently than BHS. Often this notation indicates a typographical error in BHS.

לחם¹⁶ ויאמר לא אוכל לשוב אתך ולבוא
 אתך ולא אכל לחם ולא אשתה אתך מים
 במקום הזה¹⁷ כי דבר אלי בדבר יהוה
 לא תאכל לחם ולא תשתה שם מים לא
 תשוב ללכת בדרך אשר הלכת
 בה¹⁸ ויאמר לו גם אני נביא כמוך ומלאך
 דבר אלי בדבר יהוה לאמר השבהו אתך
 אל ביתך ויאכל לחם וישת מים כחש
 לו¹⁹ וישב אתו ויאכל לחם בביתו וישת
 מים²⁰ ויהי הם יושבים אל השלחן פ
 ויהי דבר יהוה אל הנביא אשר
 השיבו²¹ ויקרא אל איש האלהים אשר
 בא מיהודה לאמר כה אמר יהוה יען כי
 מרית פי יהוה ולא שמרת את המצוה
 אשר צוך יהוה אלהיך²² ותשב ותאכל
 לחם ותשת מים במקום אשר דבר אליך
 אל תאכל לחם ואל תשת מים לא תבוא
 נבלתך אל קבר אבתך²³ ויהי אחרי
 אכלו לחם ואחרי שתותו ויחבש לו
 החמור לנביא אשר השיבו²⁴ וילך
 וימצאהו אריה בדרך וימיתו ותהי
 נבלתו משלכת בדרך והחמור עמד אצלה
 והאריה עמד אצל הנבלה²⁵ והנה אנשים
 עברים ויראו את הנבלה משלכת בדרך
 ואת האריה עמד אצל הנבלה ויבאו
 וידברו בעיר אשר הנביא הזקן ישב
 בה²⁶ וישמע הנביא אשר השיבו מן
 הדרך ויאמר איש האלהים הוא אשר
 מרה את פי יהוה ויתנהו יהוה לאריה
 וישברהו וימתו כדבר יהוה אשר דבר

יכל להשיבה אליו⁵ והמזבח נקרע וישפך
 הדשן מן המזבח כמופת אשר נתן איש
 האלהים בדבר יהוה⁶ ויען המלך ויאמר
 אל איש האלהים חל נא את פני יהוה
 אלהיך והתפלל בעדי ותשב ידי אלי ויחל
 איש האלהים את פני יהוה ותשב יד
 המלך אליו ותהי כבראשנה⁷ וידבר
 המלך אל איש האלהים באה אתי
 הביתה וסעדה ואתנה לך מתת⁸ ויאמר
 איש האלהים אל המלך אם תתן לי את
 חצי ביתך לא אבא עמך ולא אכל לחם
 ולא אשתה מים במקום הזה⁹ כי כן צוה
 אתי בדבר יהוה לאמר לא תאכל לחם
 ולא תשתה מים ולא תשוב בדרך אשר
 הלכת¹⁰ וילך בדרך אחר ולא שב בדרך
 אשר בא בה אל בית אל פ
¹¹ ונביא אחד זקן ישב בבית אל ויבוא
 בנו ויספר לו את כל המעשה אשר עשה
 איש האלהים היום בבית אל את הדברים
 אשר דבר אל המלך ויספרום
 לאביהם¹² וידבר אלהם אביהם אי זה
 הדרך הלך ויראו בניו את הדרך אשר
 הלך איש האלהים אשר בא
 מיהודה¹³ ויאמר אל בניו חבשו לי
 החמור ויחבשו לו החמור וירכב
 עליו¹⁴ וילך אחרי איש האלהים וימצאהו
 ישב תחת האלה ויאמר אליו האתה איש
 האלהים אשר באת מיהודה ויאמר
 אני¹⁵ ויאמר אליו לך אתי הביתה ואכל

יהיה לנער⁴ ותעש כן אשת ירבעם ותקם ותלך שלה ותבא בית אחיה ואחיהו לא יכל לראות כי קמו עיניו משיבו ם⁵ ויהוה אמר אל אחיהו הנה אשת ירבעם באה לדרש דבר מעמד אל בנה כי חלה הוא כזה וכזה תדבר אליה ויהי כבאה והיא מתנכרה⁶ ויהי כשמע אחיהו את קול רגליה באה בפתח ויאמר באי אשת ירבעם למה זה את מתנכרה ואנכי שלוח אליך קשה⁷ לכי אמרי לירבעם כה אמר יהוה אלהי ישראל יען אשר הרימתיך מתוך העם ואתנך נגיד על עמי ישראל⁸ ואקרע את הממלכה מבית דוד ואתנה לך ולא היית כעבדי דוד אשר שמר מצותי ואשר הלך אחרי בכל לבבו לעשות רק הישר בעיני⁹ ותרע לעשות מכל אשר היו לפניך ותלך ותעשה לך אלהים אחרים ומסכות להכעיסני ואתי השלכת אחרי גוך ם¹⁰ לכן הנני מביא רעה אל בית ירבעם והכרתי לירבעם משתיך בקיר עצור ועזוב בישראל ובערתי אחרי בית ירבעם כאשר יבער הגלל עד תמו¹¹ המת לירבעם בעיר יאכלו הכלבים והמת בשדה יאכלו עוף השמים כי יהוה דבר¹² ואת קומי לכי לביתך בבאה רגליך העירה ומת הילד¹³ וספדו לו כל ישראל וקברו אתו כי זה לבדו יבא לירבעם אל קבר יען נמצא בו דבר טוב אל יהוה אלהי ישראל בבית ירבעם¹⁴ והקים יהוה

לו²⁷ וידבר אל בניו לאמר חבשו לי את החמור ויחבשו²⁸ וילך וימצא את נבלתו משלכת בדרך וחמור והאריה עמדים אצל הנבלה לא אכל האריה את הנבלה ולא שבר את החמור²⁹ וישא הנביא את נבלת איש האלהים וינחהו אל החמור וישיבהו ויבא אל עיר הנביא הזקן לספד ולקברו³⁰ וינח את נבלתו בקברו ויספדו עליו הוי אחי³¹ ויהי אחרי קברו אתו ויאמר אל בניו לאמר במותי וקברתם אתי בקבר אשר איש האלהים קבור בו אצל עצמתיו הניחו את עצמתי³² כי היה יהיה הדבר אשר קרא בדבר יהוה על המזבח אשר בבית אל ועל כל בתי הבמות אשר בערי שמרון ף³³ אחר הדבר הזה לא שב ירבעם מדרכו הרעה וישב ויעש מקצות העם כהני במות החפץ ימלא את ידו ויהי כהני במות³⁴ ויהי בדבר הזה לחטאת בית ירבעם ולהכחיד ולהשמיד מעל פני האדמה ף

14 בעת ההיא חלה אביה בן ירבעם² ויאמר ירבעם לאשתו קומי נא והשתנית ולא ידעו כי **אתי** את אשת ירבעם והלכת שלה הנה שם אחיה הנביא הוא דבר עלי למלך על העם הזה³ ולקחת בידך עשרה לחם ונקדים ובקבק דבש ובאת אליו הוא יגיד לך מה

עלה **שושק** **שישק** מלך מצרים על ירושלים²⁶ ויקח את אצרות בית יהוה ואת אוצרות בית המלך ואת הכל לקח ויקח את כל מגני הזהב אשר עשה שלמה²⁷ ויעש המלך רחבעם תחתם מגני נחשת והפקיד על יד שרי הרצים השמרים פתח בית המלך²⁸ ויהי מדי בא המלך בית יהוה ישאום הרצים והשיבום אל תא הרצים²⁹ ויתר דברי רחבעם וכל אשר עשה הלא המה כתובים על ספר דברי הימים למלכי יהודה³⁰ ומלחמה היתה בין רחבעם ובין ירבעם כל הימים³¹ וישכב רחבעם עם אבתיו ויקבר עם אבתיו בעיר דוד ושם אמו נעמה העמנית וימלך אבים בנו תחתיו פ

15 ובשנת שמנה עשרה למלך ירבעם בן נבט מלך אבים על יהודה² שלש שנים מלך בירושלם ושם אמו מעכה בת אבישלום³ וילך בכל חטאות אביו אשר עשה לפניו ולא היה לבבו שלם עם יהוה אלהיו כלבב דוד אביו⁴ כי למען דוד נתן יהוה אלהיו לו ניר בירושלם להקים את בנו אחריו ולהעמיד את ירושלם⁵ אשר עשה דוד את הישר בעיני יהוה ולא סר מכל אשר צוהו כל ימי חייו רק בדבר אוריה החתי⁶ ומלחמה היתה בין רחבעם ובין ירבעם כל ימי חייו⁷ ויתר דברי אבים וכל אשר עשה הלוא הם כתובים על

לו מלך על ישראל אשר יכרית את בית ירבעם זה היום ומה גם עתה¹⁵ והכה יהוה את ישראל כאשר ינוד הקנה במים ונתש את ישראל מעל האדמה הטובה הזאת אשר נתן לאבותיהם וזרם מעבר לנהר יען אשר עשו את אשריהם מכעיסים את יהוה¹⁶ ויתן את ישראל בגלל חטאות ירבעם אשר חטא ואשר החטיא את ישראל¹⁷ ותקם אשת ירבעם ותלך ותבא תרצתה היא באה בסף הבית והנער מת¹⁸ ויקברו אתו ויספדו לו כל ישראל כדבר יהוה אשר דבר ביד עבדו אחיהו הנביא¹⁹ ויתר דברי ירבעם אשר נלחם ואשר מלך הנם כתובים על ספר דברי הימים למלכי ישראל²⁰ והימים אשר מלך ירבעם עשרים ושתים שנה וישכב עם אבתיו וימלך נדב בנו תחתיו פ²¹ ורחבעם בן שלמה מלך ביהודה בן ארבעים ואחת שנה רחבעם במלכו ושבע עשרה שנה מלך בירושלם העיר אשר בחר יהוה לשום את שמו שם מכל שבטי ישראל ושם אמו נעמה העמנית²² ויעש יהודה הרע בעיני יהוה ויקנאו אתו מכל אשר עשו אבתם בחטאתם אשר חטאו²³ ויבנו גם המה להם במות ומצבות ואשרים על כל גבעה גבהה ותחת כל עץ רענן²⁴ וגם קדש היה בארץ עשו ככל התועבת הגוים אשר הוריש יהוה מפני בני ישראל פ²⁵ ויהי בשנה החמישית למלך רחבעם

המלך אסא וישלח את שרי החילים אשר לו על ערי ישראל ויך את עיון ואת דן ואת אבל בית מעכה ואת כל כנרות על כל ארץ נפתלי²¹ ויהי כשמע בעשא ויחדל מבנות את הרמה וישב בתרצה²² והמלך אסא השמיע את כל יהודה אין נקי וישאו את אבני הרמה ואת עציה אשר בנה בעשא ויבן במ המלך אסא את גבע בנימן ואת המצפה²³ ויתר כל דברי אסא וכל גבורתו וכל אשר עשה והערים אשר בנה הלא המה כתובים על ספר דברי הימים למלכי יהודה רק לעת זקנתו חלה את רגליו²⁴ וישכב אסא עם אבתיו ויקבר עם אבתיו בעיר דוד אביו וימלך יהושפט בנו תחתיו פ

²⁵ ונדב בן ירבעם מלך על ישראל בשנת שתים לאסא מלך יהודה וימלך על ישראל שנתים²⁶ ויעש הרע בעיני יהוה וילך בדרך אביו ובחטאתו אשר החטיא את ישראל²⁷ ויקשר עליו בעשא בן אחיה לבית יששכר ויכהו בעשא בגבתון אשר לפלשתים ונדב וכל ישראל צרים על גבתון²⁸ וימתהו בעשא בשנת שלש לאסא מלך יהודה וימלך תחתיו²⁹ ויהי כמלכו הכה את כל בית ירבעם לא השאיר כל נשמה לירבעם עד השמדו כדבר יהוה אשר דבר ביד עבדו אחיה השילני³⁰ על חטאות ירבעם אשר חטא ואשר החטיא את ישראל בכעסו אשר

ספר דברי הימים למלכי יהודה ומלחמה היתה בין אבים ובין ירבעם⁸ וישכב אבים עם אבתיו ויקברו אתו בעיר דוד וימלך אסא בנו תחתיו פ⁹ ובשנת עשרים לירבעם מלך ישראל מלך אסא מלך יהודה¹⁰ וארבעים ואחת שנה מלך בירושלם ושם אמו מעכה בת אבישלום¹¹ ויעש אסא הישר בעיני יהוה כדוד אביו¹² ויעבר הקדשים מן הארץ ויסר את כל הגללים אשר עשו אבתיו¹³ וגם את מעכה אמו ויסרה מגבירה אשר עשתה מפלצת לאשרה ויכרת אסא את מפלצתה וישרף בנחל קדרון¹⁴ והבמות לא סרו רק לבב אסא היה שלם עם יהוה כל ימיו¹⁵ ויבא את קדשי אביו **וקדשו** ו**קדשי** בית יהוה כסף וזהב וכלים¹⁶ ומלחמה היתה בין אסא ובין בעשא מלך ישראל כל ימיהם¹⁷ ויעל בעשא מלך ישראל על יהודה ויבן את הרמה לבלתי תת יצא ובא לאסא מלך יהודה¹⁸ ויקח אסא את כל הכסף והזהב הנותרים באוצרות בית יהוה ואת אוצרות בית **מלך** **המלך** ויתנם ביד עבדיו וישלחם המלך אסא אל בן הדד בן טברמן בן חזיון מלך ארם הישב בדמשק לאמר¹⁹ ברית ביני ובינך בין אבי ובין אביך הנה שלחתי לך שחד כסף וזהב לך הפרה את בריתך את בעשא מלך ישראל ויעלה מעלי²⁰ וישמע בן הדד אל

יהודה מלך אלה בן בעשא על ישראל בתרצה שנתים⁹ ויקשר עליו עבדו זמרי שר מחצית הרכב והוא בתרצה שנה שכור בית ארצא אשר על הבית בתרצה¹⁰ ויבא זמרי ויכהו וימיתו בשנת עשרים ושבע לאסא מלך יהודה וימלך תחתיו¹¹ ויהי במלכו כשבתו על כסאו הכה את כל בית בעשא לא השאיר לו משתין בקיר וגאליו ורעהו¹² וישמד זמרי את כל בית בעשא כדבר יהוה אשר דבר אל בעשא ביד יהוה הנביא¹³ אל כל חטאות בעשא וחטאות אלה בנו אשר חטאו ואשר החטיאו את ישראל להכעיס את יהוה אלהי ישראל בהבליהם¹⁴ ויתר דברי אלה וכל אשר עשה הלוא הם כתובים על ספר דברי הימים למלכי ישראל¹⁵ בשנת עשרים ושבע שנה לאסא מלך יהודה מלך זמרי שבעת ימים בתרצה והעם חנים על גבתון אשר לפלשתים¹⁶ וישמע העם החנים לאמר קשר זמרי וגם הכה את המלך וימלכו כל ישראל את עמרי שר צבא על ישראל ביום ההוא במחנה¹⁷ ויעלה עמרי וכל ישראל עמו מגבתון ויצרו על תרצה¹⁸ ויהי כראות זמרי כי נלכדה העיר ויבא אל ארמון בית המלך וישרף עליו את בית מלך באש וימת¹⁹ על חטאתו אשר חטאתיו אשר חטא לעשות הרע בעיני יהוה ללכת בדרך ירבעם ובחטאתו אשר

הכעיס את יהוה אלהי ישראל³¹ ויתר דברי נדב וכל אשר עשה הלא הם כתובים על ספר דברי הימים למלכי ישראל³² ומלחמה היתה בין אסא ובין בעשא מלך ישראל כל ימיהם³³ בשנת שלש לאסא מלך יהודה מלך בעשא בן אחיה על כל ישראל בתרצה עשרים וארבע שנה³⁴ ויעש הרע בעיני יהוה וילך בדרך ירבעם ובחטאתו אשר החטיא את ישראל ם

16 ויהי דבר יהוה אל יהוא בן חנני על בעשא לאמר² יען אשר הרימתוך מן העפר ואתנך נגיד על עמי ישראל ותלך בדרך ירבעם ותחטא את עמי ישראל להכעיסני בחטאתם³ הנני מבעיר אחרי בעשא ואחרי ביתו ונתתי את ביתך כבית ירבעם בן נבט⁴ המת לבעשא בעיר יאכלו הכלבים והמת לו בשדה יאכלו עוף השמים⁵ ויתר דברי בעשא ואשר עשה וגבורתו הלא הם כתובים על ספר דברי הימים למלכי ישראל⁶ וישכב בעשא עם אבתיו ויקבר בתרצה וימלך אלה בנו תחתיו⁷ וגם ביד יהוא בן חנני הנביא דבר יהוה היה אל בעשא ואל ביתו ועל כל הרעה אשר עשה בעיני יהוה להכעיסו במעשה ידיו להיות כבית ירבעם ועל אשר הכה אתו⁸ בשנת עשרים ושש שנה לאסא מלך

אשר לפניו³¹ ויהי הנקל לכתו בחטאות
 ירבעם בן נבט ויקח אשה את איזבל בת
 אתבעל מלך צידנים וילך ויעבד את
 הבעל וישתחו לו³² ויקם מזבח לבעל בית
 הבעל אשר בנה בשמרון³³ ויעש אחאב
 את האשרה ויוסף אחאב לעשות
 להכעיס את יהוה אלהי ישראל מכל
 מלכי ישראל אשר היו לפניו³⁴ בימיו בנה
 חיאל בית האלי את יריחה באבירם בכרו
 יסדה **ובשגיב** ו**בשגוב** צעירו הציב דלתיה
 כדבר יהוה אשר דבר ביד יהושע בן
 נון ׀

17 ויאמר אליהו התשבי מתשבי גלעד
 אל אחאב חי יהוה אלהי ישראל אשר
 עמדתי לפניו אם יהיה השנים האלה טל
 ומטר כי אם לפי דברי ׀² ויהי דבר
 יהוה אליו לאמר³ לך מזה ופנית לך
 קדמה ונסתרת בנחל כרית אשר על פני
 הירדן⁴ והיה מהנחל תשתה ואת
 הערבים צויתי לכלכלך שם⁵ וילך ויעש
 כדבר יהוה וילך וישב בנחל כרית אשר
 על פני הירדן⁶ והערבים מביאים לו לחם
 ובשר בבקר ולחם ובשר בערב ומן הנחל
 ישתה⁷ ויהי מקץ ימים וייבש הנחל כי לא
 היה גשם בארץ ׀⁸ ויהי דבר יהוה
 אליו לאמר⁹ קום לך צרפתה אשר לצידון
 וישבת שם הנה צויתי שם אשה אלמנה
 לכלכלך¹⁰ ויקם וילך צרפתה ויבא אל

עשה להחטיא את ישראל²⁰ ויתר דברי
 זמרי וקשרו אשר קשר הלא הם כתובים
 על ספר דברי הימים למלכי ישראל ׀
²¹ אז יחלק העם ישראל לחצי חצי העם
 היה אחרי תבני בן גינת להמליכו והחצי
 אחרי עמרי²² ויחזק העם אשר אחרי
 עמרי את העם אשר אחרי תבני בן גינת
 וימת תבני וימלך עמרי ׀
²³ בשנת שלשים ואחת שנה לאסא מלך
 יהודה מלך עמרי על ישראל שנים
 עשרה שנה בתרצה מלך שש
 שנים²⁴ ויקן את ההר שמרון מאת שמר
 בככרים כסף ויבן את ההר ויקרא את
 שם העיר אשר בנה על שם שמר אדני
 ההר שמרון²⁵ ויעשה עמרי הרע בעיני
 יהוה וירע מכל אשר לפניו²⁶ וילך בכל
 דרך ירבעם בן נבט **ובחטאתיו** **ובחטאתו**
 אשר החטיא את ישראל להכעיס את
 יהוה אלהי ישראל בהבליהם²⁷ ויתר
 דברי עמרי אשר עשה וגבורתו אשר
 עשה הלא הם כתובים על ספר דברי
 הימים למלכי ישראל²⁸ וישכב עמרי עם
 אבתיו ויקבר בשמרון וימלך אחאב בנו
 תחתיו ׀

²⁹ ואחאב בן עמרי מלך על ישראל בשנת
 שלשים ושמונה שנה לאסא מלך יהודה
 וימלך אחאב בן עמרי על ישראל
 בשמרון עשרים ושתים שנה³⁰ ויעש
 אחאב בן עמרי הרע בעיני יהוה מכל

p We read punctuation in L differently from BHS.

אני מתגורר עמה הרעות להמית את בנה ²¹ ויתמדד על הילד שלש פעמים ויקרא אל יהוה ויאמר יהוה אלהי תשב נא נפש הילד הזה על קרבו ²² וישמע יהוה בקול אליהו ותשב נפש הילד על קרבו ויחי ²³ ויקח אליהו את הילד וירדהו מן העליה הביתה ויתנהו לאמו ויאמר אליהו ראי חי בנך ²⁴ ותאמר האשה אל אליהו עתה זה ידעתי כי איש אלהים אתה ודבר יהוה בפיך אמת פ

18 ויהי ימים רבים ודבר יהוה היה אל אליהו בשנה השלישית לאמר לך הראה אל אחאב ואתנה מטר על פני האדמה ² וילך אליהו להראות אל אחאב והרעב חזק בשמרון ³ ויקרא אחאב אל עבדיהו אשר על הבית ועבדיהו היה ירא את יהוה מאד ⁴ ויהי בהכרית איזבל את נביאי יהוה ויקח עבדיהו מאה נבאים ויחביאם חמשים איש במערה וכלכלם לחם ומים ⁵ ויאמר אחאב אל עבדיהו לך בארץ אל כל מעיני המים ואל כל הנחלים אולי נמצא חציר ונחיה סוס ופרד ולוא נכרית מהבהמה ⁶ ויחלקו להם את הארץ לעבר בה אחאב הלך בדרך אחד לבדו ועבדיהו הלך בדרך אחד לבדו ⁷ ויהי עבדיהו בדרך והנה אליהו לקראתו ויכרהו ויפל על פניו ויאמר האתה זה אדני אליהו ⁸ ויאמר לו אני לך

פתח העיר והנה שם אשה אלמנה מקששת עצים ויקרא אליה ויאמר קחי נא לי מעט מים בכלי ואשתה ¹¹ ותלך לקחת ויקרא אליה ויאמר לקחי נא לי פת לחם בידך ¹² ותאמר חי יהוה אלהיך אם יש לי מעוג כי אם מלא כף קמח בכד ומעט שמן בצפחת והנני מקששת שנים עצים ובאתי ועשיתיהו לי ולבני ואכלנהו ומתנו ¹³ ויאמר אליה אליהו אל תיראי באי עשי כדברך אך עשי לי משם עגה קטנה בראשנה והוצאת ¹ לי ולך ולבנך תעשי באחרנה ס ¹⁴ כי כה אמר יהוה אלהי ישראל כד הקמח לא תכלה וצפחת השמן לא תחסר עד יום תתן תת יהוה גשם על פני האדמה ¹⁵ ותלך ותעשה כדבר אליהו ותאכל הוא והיא היא והוא וביתה ימים ¹⁶ כד הקמח לא כלתה וצפחת השמן לא חסר כדבר יהוה אשר דבר ביד אליהו פ ¹⁷ ויהי אחר הדברים האלה חלה בן האשה בעלת הבית ויהי חליו חזק מאד עד אשר לא נותרה בו נשמה ¹⁸ ותאמר אל אליהו מה לי ולך איש האלהים באת אלי להזכיר את עוני ולהמית את בני ¹⁹ ויאמר אליה תני לי את בנך ויקחהו מחיקה ויעלהו אל העליה אשר הוא ישב שם וישכבהו על מטתו ²⁰ ויקרא אל יהוה ויאמר יהוה אלהי הגם על האלמנה אשר

¹ BHS has been faithful to the Leningrad Codex where there might be a question of the validity of the form and we keep the same form as BHS.

הכרמל²¹ ויגש אליהו אל כל העם ויאמר עד מתי אתם פסחים על שתי הסעפים אם יהוה האלהים לכו אחריו ואם הבעל לכו אחריו ולא ענו העם אתו דבר²² ויאמר אליהו אל העם אני נותרתי נביא ליהוה לבדי ונביאי הבעל ארבע מאות וחמשים איש²³ ויתנו לנו שנים פרים ויבחרו להם הפר האחד וינתחחו וישימו על העצים ואש לא ישימו ואני אעשה את הפר האחד ונתתי על העצים ואש לא אשים²⁴ וקראתם בשם אלהיכם ואני אקרא בשם יהוה והיה האלהים אשר יענה באש הוא האלהים ויען כל העם ויאמרו טוב הדבר²⁵ ויאמר אליהו לנביאי הבעל בחרו לכם הפר האחד ועשו ראשנה כי אתם הרבים וקראו בשם אלהיכם ואש לא תשימו²⁶ ויקחו את הפר אשר נתן להם ויעשו ויקראו בשם הבעל מהבקר ועד הצהרים לאמר הבעל עננו ואין קול ואין ענה ויפסחו על המזבח אשר עשה²⁷ והיה בצהרים ויהתל בהם אליהו ויאמר קראו בקול גדול כי אלהים הוא כי שיח וכי שיג לו וכי דרך לו אולי ישן הוא ויקץ²⁸ ויקראו בקול גדול ויתגדדו כמשפטם בחרבות וברמחים עד שפך דם עליהם²⁹ והיה כעבר הצהרים ויתנבאו עד לעלות המנחה ואין קול ואין ענה ואין קשב³⁰ ויאמר אליהו לכל העם גשו אלי ויגשו כל העם אליו וירפא את מזבח יהוה

אמר לאדניך הנה אליהו⁹ ויאמר מה חטאתי כי אתה נתן את עבדך ביד אחאב להמיתני¹⁰ חי יהוה אלהיך אם יש גוי וממלכה אשר לא שלח אדני שם לבקשך ואמרו אין והשביע את הממלכה ואת הגוי כי לא ימצאכה¹¹ ועתה אתה אמר לך אמר לאדניך הנה אליהו¹² והיה אני אלך מאתך ורוח יהוה ישאך על אשר לא אדע ובאתי להגיד לאחאב ולא ימצאך והרגני ועבדך ירא את יהוה מנערי¹³ הלא הגד לאדני את אשר עשיתי בהרג איזבל את נביאי יהוה ואחבא מנביאי יהוה מאה איש חמשים חמשים איש במערה ואכלכלם לחם ומים¹⁴ ועתה אתה אמר לך אמר לאדניך הנה אליהו והרגני ׀¹⁵ ויאמר אליהו חי יהוה צבאות אשר עמדתי לפניו כי היום אראה אליו¹⁶ וילך עבדיהו לקראת אחאב ויגד לו וילך אחאב לקראת אליהו¹⁷ והי כראות אחאב את אליהו ויאמר אחאב אליו האתה זה עכר ישראל¹⁸ ויאמר לא עכרתי את ישראל כי אם אתה ובית אביך בעזבכם את מצות יהוה ותלך אחרי הבעלים¹⁹ ועתה שלח קבץ אלי את כל ישראל אל הר הכרמל ואת נביאי הבעל ארבע מאות וחמשים ונביאי האשרה ארבע מאות אכלי שלחן איזבל²⁰ וישלח אחאב בכל בני ישראל ויקבץ את הנביאים אל הר

אֶרְצָה וַיִּשֶׁם פְּנֵי בֵין **בְּרֵכּוֹ** ⁴³ וַיֹּאמֶר
 אֶל נַעֲרָו עֲלֵה נָא הַבֵּט דֶּרֶךְ יָם וַיַּעַל וַיִּבֶט
 וַיֹּאמֶר אֵינִן מֵאוֹמָה וַיֹּאמֶר שֶׁב שֶׁבַע
 פַּעֲמִים ⁴⁴ וַיְהִי בִשְׁבַעִית וַיֹּאמֶר הִנֵּה עֵב
 קִטְנָה כַּכֶּף אִישׁ עֲלֵה מִים וַיֹּאמֶר עֲלֵה
 אִמֵּר אֶל אַחָאָב אֲסֹר וָרֵד וְלֹא יַעֲצֹרְכָה
 הַגִּשְׁם ⁴⁵ וַיְהִי עַד כֹּה וְעַד כֹּה וְהַשְּׁמַיִם
 הִתְקַדְּרוּ עֲבִים וְרוּחַ וַיְהִי גֶשֶׁם גָּדוֹל וַיִּרְכַּב
 אַחָאָב וַיֵּלֶךְ יִזְרְעֵאלָה ⁴⁶ וַיֵּד יְהוָה הִיתָה
 אֶל אֱלֹהֵיו וַיִּשְׁנֶס מִתְּנִיּוֹ וַיִּרְץ לִפְנֵי אַחָאָב
 עַד בֵּאֲכָה יִזְרְעֵאלָה

19 וַיִּגַּד אַחָאָב לְאִיזָבֵל אֵת כָּל אֲשֶׁר
 עָשָׂה אֱלֹהֵיו וְאֵת כָּל אֲשֶׁר הִרְגָה אֵת כָּל
 הַנְּבִיאִים בַּחֶרֶב ² וַתִּשְׁלַח אִיזָבֵל מִלֵּאָךְ אֶל
 אֱלֹהֵיו לֵאמֹר כֹּה יַעֲשׂוּן אֱלֹהִים וְכֹה יוֹסִפּוּן
 כִּי כַעַת מַחֵר אֲשִׁים אֵת נַפְשְׁךָ כִּנְפֹשׁ
 אֶחָד מֵהֶם ³ וַיִּרְא וַיִּקַּם וַיֵּלֶךְ אֶל נַפְשׁוֹ
 וַיָּבֵא בָּאֵר שֶׁבַע אֲשֶׁר לַיהוּדָה וַיִּנַּח אֵת
 נַעֲרָו שֵׁם ⁴ וְהוּא הֵלֶךְ בַּמַּדְבָּר דֶּרֶךְ יוֹם
 וַיָּבֵא וַיֵּשֶׁב תַּחַת רֵתֶם **אַחַת** ^{אחד} וַיִּשְׁאַל
 אֵת נַפְשׁוֹ לְמוֹת וַיֹּאמֶר רַב עֲתָה יְהוָה קַח
 נַפְשִׁי כִּי לֹא טוֹב אֲנִכִי מֵאַבְתִּי ⁵ וַיִּשְׁכַּב
 וַיִּישָׁן תַּחַת רֵתֶם אֶחָד וְהִנֵּה זֶה מִלֵּאָךְ נֹגַע
 בּוֹ וַיֹּאמֶר לוֹ קוּם אֲכֹל ⁶ וַיִּבֶט וְהִנֵּה
 מֵרָאשְׁתּוֹ עֵגֶת רִצְפִים וְצַפְחַת מִים וַיֵּאֱכַל
 וַיִּשֶׁת וַיֵּשֶׁב וַיִּשְׁכַּב ⁷ וַיֵּשֶׁב מִלֵּאָךְ יְהוָה
 שְׁנִית וַיִּגַּע בּוֹ וַיֹּאמֶר קוּם אֲכֹל כִּי רַב מִמֶּךָ
 הַדֶּרֶךְ ⁸ וַיִּקַּם וַיֵּאֱכַל וַיִּשֶׁתָה וַיֵּלֶךְ בַּכַּח

הַהָרוֹס ³¹ וַיִּקַּח אֱלֹהֵיו שְׁתֵּים עָשָׂרָה
 אַבְנִים כַּמִּסְפָּר שְׁבַטֵי בְנֵי יַעֲקֹב אֲשֶׁר הָיָה
 דְּבַר יְהוָה אֵלָיו לֵאמֹר יִשְׂרָאֵל יְהִיָּה
 שִׁמְךָ ³² וַיִּבְנֶה אֵת הָאַבְנִים מִזְבַּח בְּשֵׁם
 יְהוָה וַיַּעַשׂ תַּעֲלָה כְּבֵית סֵאתִים זֶרַע סִבִּיב
 לְמִזְבַּח ³³ וַיַּעֲרֹךְ אֵת הָעֵצִים וַיִּנַּח אֵת
 הַפֶּר וַיִּשֶׁם עַל הָעֵצִים ³⁴ וַיֹּאמֶר מִלֵּאוֹ
 אַרְבַּעַה כַּדִּים מִים וַיִּצְקוּ עַל הָעֲלָה וְעַל
 הָעֵצִים וַיֹּאמֶר שְׁנוֹ וַיִּשְׁנוֹ וַיֹּאמֶר שְׁלֹשׁוֹ
 וַיִּשְׁלֹשׁוּ ³⁵ וַיִּלְכוּ הַמֵּים סִבִּיב לְמִזְבַּח וְגַם
 אֵת הַתַּעֲלָה מִלֵּא מִים ³⁶ וַיְהִי בַעֲלוֹת
 הַמִּנְחָה וַיִּגַּשׁ אֱלֹהֵיו הַנְּבִיא וַיֹּאמֶר יְהוָה
 אֱלֹהֵי אַבְרָהָם יִצְחָק וַיִּשְׂרָאֵל הַיּוֹם יוֹדַע כִּי
 אַתָּה אֱלֹהִים בְּיִשְׂרָאֵל וְאֲנִי עַבְדְּךָ **וּבְדַבְרֵיךָ**
וּבְדַבְרֵךְ עָשִׂיתִי אֵת כָּל הַדְּבָרִים
 הָאֵלֶּה ³⁷ עֲנֵנִי יְהוָה עֲנֵנִי וַיִּדְעוּ הָעַם הַזֶּה
 כִּי אַתָּה יְהוָה הָאֱלֹהִים וְאַתָּה הַסַּבְתָּ אֵת
 לְבָם אַחֲרֵנִית ³⁸ וַתִּפֹּל אִשׁ יְהוָה וַתֵּאֱכַל
 אֵת הָעֲלָה וְאֵת הָעֵצִים וְאֵת הָאַבְנִים וְאֵת
 הָעֶפֶר וְאֵת הַמֵּים אֲשֶׁר בַּתַּעֲלָה
 לַחֲכָה ³⁹ וַיִּרְא כָּל הָעַם וַיִּפְּלוּ עַל פְּנֵיהֶם
 וַיֹּאמְרוּ יְהוָה הוּא הָאֱלֹהִים יְהוָה הוּא
 הָאֱלֹהִים ⁴⁰ וַיֹּאמֶר אֱלֹהֵיו לְהֵם תִּפְשׂוּ אֵת
 נְבִיאֵי הַבַּעַל אִישׁ אֶל יְמִלְט מֵהֶם
 וַיִּתְּפֹשׂוּם וַיִּזְרְדֻם אֱלֹהֵיו אֶל נַחַל קִישׁוֹן
 וַיִּשְׁחַטֶם שֵׁם ⁴¹ וַיֹּאמֶר אֱלֹהֵיו לְאַחָאָב
 עֲלֵה אֲכַל וְשִׁתָה כִּי קוֹל הַמּוֹן
 הַגִּשְׁם ⁴² וַיַּעֲלֵה אַחָאָב לְאֲכַל וּלְשִׁתוֹת
 וְאֱלֹהֵיו עֲלֵה אֶל רֹאשׁ הַכְּרַמִּל וַיִּגְהַר

חזאל ימית יהוא והנמלט מחרב יהוא ימית אלישע¹⁸ והשארתי בישראל שבעת אלפים כל הברכים אשר לא כרעו לבעל וכל הפה אשר לא נשק לו¹⁹ וילך משם וימצא את אלישע בן שפט והוא חרש שנים עשר צמדים לפניו והוא בשנים העשר ויעבר אליהו אליו וישלך אדרתו אליו²⁰ ויעזב את הבקר וירץ אחרי אליהו ויאמר אשקה נא לאבי ולאמי ואלכה אחריך ויאמר לו לך שוב כי מה עשיתי לך²¹ וישב מאחריו ויקח את צמד הבקר ויזבחהו ובכלי הבקר בשלם הבשר ויתן לעם ויאכלו ויקם וילך אחרי אליהו וישרתהו פ

20 ובן הדד מלך ארם קבץ את כל חילו ושלשים ושנים מלך אתו וסוס ורכב ויעל ויצר על שמרון וילחם בה² וישלח מלאכים אל אחאב מלך ישראל העירה³ ויאמר לו כה אמר בן הדד כספך וזהבך לי הוא ונשיך ובניך הטובים לי הם⁴ ויען מלך ישראל ויאמר כדברך אדני המלך לך אני וכל אשר לי⁵ וישבו המלאכים ויאמרו כה אמר בן הדד לאמר כי שלחתי אליך לאמר כספך וזהבך ונשיך ובניך לי תתן⁶ כי אם כעת מחר אשלח את עבדי אליך וחפשו את ביתך ואת בתי עבדיך והיה כל מחמד עיניך ישימו בידם ולקחו⁷ ויקרא מלך ישראל

האכילה ההיא ארבעים יום וארבעים לילה עד הר האלהים חרב⁹ ויבא שם אל המערה וילן שם והנה דבר יהוה אליו ויאמר לו מה לך פה אליהו¹⁰ ויאמר קנא קנאתי ליהוה אלהי צבאות כי עזבו בריתך בני ישראל את מזבחתך הרסו ואת נביאיך הרגו בחרב ואותר אני לבדי ויבקשו את נפשי לקחתה¹¹ ויאמר צא ועמדת בהר לפני יהוה והנה יהוה עבר ורוח גדולה וחזק מפרק הרים ומשבר סלעים לפני יהוה לא ברוח יהוה ואחר הרוח¹ רעש לא ברעש יהוה¹² ואחר הרעש אש לא באש יהוה ואחר האש קול דממה דקה¹³ ויהי כשמע אליהו וילט פניו באדרתו ויצא ויעמד פתח המערה והנה אליו קול ויאמר מה לך פה אליהו¹⁴ ויאמר קנא קנאתי ליהוה אלהי צבאות כי עזבו בריתך בני ישראל את מזבחתך הרסו ואת נביאיך הרגו בחרב ואותר אני לבדי ויבקשו את נפשי לקחתה ס¹⁵ ויאמר יהוה אליו לך שוב לדרכך מדברה דמשק¹ ובאת ומשחת את חזאל למלך על ארם¹⁶ ואת יהוא בן נמשי תמשח למלך על ישראל ואת אלישע בן שפט מאבל מחולה תמשח לנביא תחתך¹⁷ והיה הנמלט מחרב

1 BHS has been faithful to the Leningrad Codex where there might be a question of the validity of the form and we keep the same form as BHS.

1 BHS has been faithful to the Leningrad Codex where there might be a question of the validity of the form and we keep the same form as BHS.

תפשוּם חיים ואם למלחמה יצאו חיים
 תפשוּם¹⁹ ואלה יצאו מן העיר נערי שרי
 המדינות והחיל אשר אחריהם²⁰ ויכו
 איש אישו וינסו ארם וירדפם ישראל
 וימלט בן הדד מלך ארם על סוס
 ופרשים²¹ ויצא מלך ישראל ויך את
 הסוס ואת הרכב והכה בארם מכה
 גדולה²² ויגש הנביא אל מלך ישראל
 ויאמר לו לך התחזק ודע וראה את אשר
 תעשה כי לתשובת השנה מלך ארם עלה
 עליך ׀ ועבדי מלך ארם אמרו אליו
 אלהי הרים אלהיהם על כן חזקו ממנו
 ואולם נלחם אתם במישור אם לא נחזק
 מהם²⁴ ואת הדבר הזה עשה הסר
 המלכים איש ממקמו ושים פחות
 תחתיהם²⁵ ואתה תמנה לך חיל כחיל
 הנפל מאותך וסוס כסוס ורכב כרכב
 ונלחמה אותם במישור אם לא נחזק
 מהם וישמע לקלם ויעש כן ׀
²⁶ ויהי לתשובת השנה ויפקד בן הדד את
 ארם ויעל אפקה למלחמה עם
 ישראל²⁷ ובני ישראל התפקדו וכלכלו
 וילכו לקראתם ויחנו בני ישראל נגדם
 כשני חשפי עזים וארם מלאו את
 הארץ²⁸ ויגש איש האלהים ויאמר אל
 מלך ישראל ויאמר כה אמר יהוה יען
 אשר אמרו ארם אלהי הרים יהוה ולא
 אלהי עמקים הוא ונתתי את כל ההמון
 הגדול הזה בידך וידעתם כי אני
 יהוה²⁹ ויחנו אלה נכח אלה שבעת ימים

לכל זקני הארץ ויאמר דעו נא וראו כי
 רעה זה מבקש כי שלח אלי לנשי ולבני
 ולכספי ולזהבי ולא מנעתי ממנו⁸ ויאמרו
 אליו כל הזקנים וכל העם אל תשמע ולוא
 תאבה⁹ ויאמר למלאכי בן הדד אמרו
 לאדני המלך כל אשר שלחת אל עבדך
 בראשנה אעשה והדבר הזה לא אוכל
 לעשות וילכו המלאכים וישבהו
 דבר¹⁰ וישלח אליו בן הדד ויאמר כה
 יעשון לי אלהים וכה יוספו אם ישפק
 עפר שמרון לשעלים לכל העם אשר
 ברגלי¹¹ ויען מלך ישראל ויאמר דברו אל
 יתהלל חגר כמפתח¹² ויהי כשמע את
 הדבר הזה והוא שתה הוא והמלכים
 בסכות ויאמר אל עבדיו שימו וישימו על
 העיר¹³ והנה נביא אחד נגש אל אחאב
 מלך ישראל ויאמר כה אמר יהוה הראית
 את כל ההמון הגדול הזה הנני נתנו בידך
 היום וידעת כי אני יהוה¹⁴ ויאמר אחאב
 במי ויאמר כה אמר יהוה בנערי שרי
 המדינות ויאמר מי יאסר המלחמה
 ויאמר אתה¹⁵ ויפקד את נערי שרי
 המדינות ויהיו מאתים שנים ושלשים
 ואחריהם פקד את כל העם כל בני
 ישראל שבעת אלפים¹⁶ ויצאו בצהרים
 ובן הדד שתה שכור בסכות הוא
 והמלכים שלשים ושנים מלך עזר
 אתו¹⁷ ויצאו נערי שרי המדינות בראשנה
 וישלח בן הדד ויגידו לו לאמר אנשים
 יצאו משמרון¹⁸ ויאמר אם לשלום יצאו

המלחמה והנה איש סר ויבא אלי איש
 ויאמר שמר את האיש הזה אם הפקד
 יפקד והיתה נפשך תחת נפשו או ככר
 כסף תשקול⁴⁰ ויהי עבדך עשה הנה
 והנה והוא איננו ויאמר אליו מלך ישראל
 כן משפטך אתה חרצת⁴¹ וימהר ויסר
 את האפר מעל מעלי עיניו ויכר אתו מלך
 ישראל כי מהנבאים הוא⁴² ויאמר אליו
 כה אמר יהוה יען שלחת את איש חרמי
 מיד והיתה נפשך תחת נפשו ועמד תחת
 עמו⁴³ וילך מלך ישראל על ביתו סר וזעף
 ויבא שמרונה פ

21 ויהי אחר הדברים האלה כרם היה
 לנבות הזרעאלי אשר ביזרעאל אצל
 היכל אחאב מלך שמרון² וידבר אחאב
 אל נבות לאמר תנה לי את כרמך ויהי לי
 לגן ירק כי הוא קרוב אצל ביתי ואתנה
 לך תחתיו כרם טוב ממנו אם טוב בעיניך
 אתנה לך כסף מחיר זה³ ויאמר נבות אל
 אחאב חלילה לי מיהוה מתתי את נחלת
 אבתי לך⁴ ויבא אחאב אל ביתו סר וזעף
 על הדבר אשר דבר אליו נבות הזרעאלי
 ויאמר לא אתן לך את נחלת אבותי
 וישכב על מטתו ויסב את פניו ולא אכל
 לחם⁵ ותבא אליו איזבל אשתו ותדבר
 אליו מה זה רוחך סרה ואינך אכל
 לחם⁶ וידבר אליה כי אדבר אל נבות
 הזרעאלי ואמר לו תנה לי את כרמך

ויהי ביום השביעי ותקרב המלחמה ויכו
 בני ישראל את ארם מאה אלף רגלי ביום
 אחד³⁰ וינסו הנותרים אפקה אל העיר
 ותפל החומה על עשרים ושבעה אלף
 איש הנותרים ובן הדד נס ויבא אל העיר
 חדר בחדר ס³¹ ויאמרו אליו עבדיו
 הנה נא שמענו כי מלכי בית ישראל כי
 מלכי חסד הם נשימה נא שקים במתנינו
 וחבלים בראשנו ונצא אל מלך ישראל
 אולי יחיה את נפשך³² ויחגרו שקים
 במתניהם וחבלים בראשיהם ויבאו אל
 מלך ישראל ויאמרו עבדך בן הדד אמר
 תחי נא נפשי ויאמר העודנו חי אחי
 הוא³³ והאנשים ינחשו וימהרו ויחלטו
 הממנו ויאמרו אחיך בן הדד ויאמר באו
 קחהו ויצא אליו בן הדד ויעלהו על
 המרכבה³⁴ ויאמר אליו הערים אשר
 לקח אבי מאת אביך אשיב וחוצות תשים
 לך בדמשק כאשר שם אבי בשמרון ואני
 בברית אשלחך ויכרת לו ברית
 וישלחהו ס³⁵ ואיש אחד מבני
 הנביאים אמר אל רעהו בדבר יהוה הכיני
 נא וימאן האיש להכתו³⁶ ויאמר לו יען
 אשר לא שמעת בקול יהוה הנך הולך
 מאתי והכך האריה וילך מאצלו וימצאהו
 האריה ויכהו³⁷ וימצא איש אחר ויאמר
 הכיני נא ויכהו האיש הכה ופצע³⁸ וילך
 הנביא ויעמד למלך על הדרך ויתחפש
 באפר על עיניו³⁹ ויהי המלך עבר והוא
 צעק אל המלך ויאמר עבדך יצא בקרב

נבות היזרעאלי לרשתו ¹⁷ ויהי דבר
 יהוה אל אליהו התשבי לאמר ¹⁸ קום רד
 לקראת אחאב מלך ישראל אשר
 בשמרון הנה בכרם נבות אשר ירד שם
 לרשתו ¹⁹ ודברת אליו לאמר כה אמר
 יהוה הרצחת וגם ירשת ודברת אליו
 לאמר כה אמר יהוה במקום אשר לקקו
 הכלבים את דם נבות ילקו הכלבים את
 דמך גם אתה ²⁰ ויאמר אחאב אל אליהו
 המצאתני איבי ויאמר מצאתי יען
 התמכרך לעשות הרע בעיני יהוה ²¹ הנני
מבי מביא אליך רעה ובערתי אחריד
 והכרתי לאחאב משתיך בקיר ועצור
 ועזוב בישראל ²² ונתתי את ביתך כבית
 ירבעם בן נבט וכבית בעשא בן אחיה אל
 הכעס אשר הכעסת ותחטא את
 ישראל ²³ וגם לאיזבל דבר יהוה לאמר
 הכלבים יאכלו את איזבל בחל
 יזרעאל ²⁴ המת לאחאב בעיר יאכלו
 הכלבים והמת בשדה יאכלו עוף
 השמים ²⁵ רק לא היה כאחאב אשר
 התמכר לעשות הרע בעיני יהוה אשר
 הסתה אתו איזבל אשתו ²⁶ ויתעב מאד
 ללכת אחרי הגללים ככל אשר עשו
 האמרי אשר הוריש יהוה מפני בני
 ישראל ²⁷ ויהי כשמע אחאב את
 הדברים האלה ויקרע בגדיו וישם שק על
 בשרו ויצום וישכב בשק ויהלך
 אט ²⁸ ויהי דבר יהוה אל אליהו

בכסף או אם חפץ אתה אתנה לך כרם
 תחתיו ויאמר לא אתן לך את
 כרמי ⁷ ותאמר אליו איזבל אשתו אתה
 עתה תעשה מלוכה על ישראל קום אכל
 לחם ויטב לבך אני אתן לך את כרם
 נבות היזרעאלי ⁸ ותכתב ספרים בשם
 אחאב ותחתם בחתמו ותשלח **הספרים**
ספרים אל הזקנים ¹ ואל החרים אשר
 בעירו הישבים את נבות ⁹ ותכתב
 בספרים לאמר קראו צום והושיבו את
 נבות בראש העם ¹⁰ והושיבו שנים אנשים
 בני בליעל נגדו ויעדהו לאמר ברכת
 אלהים ומלך והוציאהו וסקלהו
 וימת ¹¹ ויעשו אנשי עירו הזקנים והחרים
 אשר הישבים בעירו כאשר שלחה
 אליהם איזבל כאשר כתוב בספרים אשר
 שלחה אליהם ¹² קראו צום והשיבו את
 נבות בראש העם ¹³ ויבאו שני האנשים
 בני בליעל וישבו נגדו ויעדהו אנשי
 הבליעל את נבות נגד העם לאמר ברך
 נבות אלהים ומלך ויצאהו מחוץ לעיר
 ויסקלהו באבנים וימת ¹⁴ וישלחו אל
 איזבל לאמר סקל נבות וימת ¹⁵ ויהי
 כשמע איזבל כי סקל נבות וימת ותאמר
 איזבל אל אחאב קום רש את כרם נבות
 היזרעאלי אשר מאן לתת לך בכסף כי
 אין נבות חי כי מת ¹⁶ ויהי כשמע אחאב
 כי מת נבות ויקם אחאב לרדת אל כרם

1 BHS has been faithful to the Leningrad Codex where there might be a question of the validity of the form and we keep the same form as BHS.

מלבשים בגדים בגרן פתח שער שמרון
 וכל הנביאים מתנבאים לפניהם¹¹ ויעש
 לו צדקיה בן כנענה קרני ברזל ויאמר כה
 אמר יהוה באלה תנגח את ארם עד
 כלתם¹² וכל הנבאים נבאים כן לאמר
 עלה רמת גלעד והצלח ונתן יהוה ביד
 המלך¹³ והמלאך אשר הלך לקרא
 מיכיהו דבר אליו לאמר הנה נא דברי
 הנביאים פה אחד טוב אל המלך יהי נא
 דבריך דברך כדבר אחד מהם ודברת
 טוב¹⁴ ויאמר מיכיהו חי יהוה כי את
 אשר יאמר יהוה אלי אתו אדבר¹⁵ ויבוא
 אל המלך ויאמר המלך אליו מיכיהו
 הנלך אל רמת גלעד למלחמה אם נחדל
 ויאמר אליו עלה והצלח ונתן יהוה ביד
 המלך¹⁶ ויאמר אליו המלך עד כמה
 פעמים אני משבעך אשר לא תדבר אלי
 רק אמת בשם יהוה¹⁷ ויאמר ראיתי את
 כל ישראל נפצים אל ההרים כצאן אשר
 אין להם רעה ויאמר יהוה לא אדנים
 לאלה ישוּבו איש לביתו בשלום¹⁸ ויאמר
 מלך ישראל אל יהושפט הלוא אמרתי
 אליך לוא יתנבא עלי טוב כי אם
 רע¹⁹ ויאמר לכן שמע דבר יהוה ראיתי
 את יהוה ישב על כסאו וכל צבא השמים
 עמד עליו מימינו ומשמאלו²⁰ ויאמר יהוה
 מי יפתה את אחאב ויעל ויפל ברמת
 גלעד ויאמר זה בכה וזה אמר
 בכה²¹ ויצא הרוח ויעמד לפני יהוה
 ויאמר אני אפתנו ויאמר יהוה אליו

התשבי לאמר²⁹ הראית כי נכנע אחאב
 מלפני יען כי נכנע מפני לא אביא
 הרעה בימיו בימי בנו אביא הרעה על
 ביתו

22 וישבו שלש שנים אין מלחמה בין
 ארם ובין ישראל פ
² ויהי בשנה השלישית וירד יהושפט מלך
 יהודה אל מלך ישראל³ ויאמר מלך
 ישראל אל עבדיו הידעתם כי לנו רמת
 גלעד ואנחנו מחשים מקחת אתה מיד
 מלך ארם⁴ ויאמר אל יהושפט התלך
 אתי למלחמה רמת גלעד ויאמר יהושפט
 אל מלך ישראל כמוני כמוך כעמי כעמך
 כסוסי כסוסיד⁵ ויאמר יהושפט אל מלך
 ישראל דרש נא כיום את דבר
 יהוה⁶ ויקבץ מלך ישראל את הנביאים
 כארבע מאות איש ויאמר אלהם האלך
 על רמת גלעד למלחמה אם אחדל
 ויאמרו עלה ויתן אדני ביד המלך⁷ ויאמר
 יהושפט האין פה נביא ליהוה עוד
 ונדרשה מאותו⁸ ויאמר מלך ישראל אל
 יהושפט עוד איש אחד לדרש את יהוה
 מאתו ואני שנאתיו כי לא יתנבא עלי טוב
 כי אם רע מיכיהו בן ימלה ויאמר
 יהושפט אל יאמר המלך כן⁹ ויקרא מלך
 ישראל אל סריס אחד ויאמר מהרה
 מיכיהו בן ימלה¹⁰ ומלך ישראל ויהושפט
 מלך יהודה יושבים איש על כסאו

מאחריו³⁴ ואיש משך בקשת לתמו ויכה את מלך ישראל בין הדבקים ובין השרין ויאמר לרכבו הפך ידך והוציאני מן המחנה כי החליתי³⁵ ותעלה המלחמה ביום ההוא והמלך היה מעמד במרכבה נכח ארם וימת בערב ויצק דם המכה אל חיק הרכב³⁶ ויעבר הרנה במחנה כבא השמש לאמר איש אל עירו ואיש אל ארצו³⁷ וימת המלך ויבוא שמרון ויקברו את המלך בשמרון³⁸ וישטף את הרכב על ברכת שמרון וילקו הכלבים את דמו והזנות רחצו כדבר יהוה אשר דבר³⁹ ויתר דברי אחאב וכל אשר עשה ובית השן אשר בנה וכל הערים אשר בנה הלוא הם כתובים על ספר דברי הימים למלכי ישראל⁴⁰ וישכב אחאב עם אבתיו וימלך אחזיהו בנו תחתיו⁴¹ ויהושפט בן אסא מלך על יהודה בשנת ארבע לאחאב מלך ישראל⁴² יהושפט בן שלשים וחמש שנה במלכו ועשרים וחמש שנה מלך בירושלם ושם אמו עזובה בת שלחי⁴³ וילך בכל דרך אסא אביו לא סר ממנו לעשות הישר בעיני יהוה⁴⁴ אך הבמות לא סרו עוד העם מזבחים ומקטרים בבמות⁴⁵ וישלם יהושפט עם מלך ישראל⁴⁶ ויתר דברי יהושפט וגבורתו אשר עשה ואשר נלחם הלא הם כתובים על ספר דברי הימים למלכי

במה²² ויאמר אצא והייתי רוח שקר בפי כל נביאיו ויאמר תפתה וגם תוכל צא ועשה כן²³ ועתה הנה נתן יהוה רוח שקר בפי כל נביאיך אלה ויהוה דבר עליך רעה²⁴ ויגש צדקיהו בן כנענה ויכה את מיכיהו על הלחי ויאמר אי זה עבר רוח יהוה מאתי לדבר אותך²⁵ ויאמר מיכיהו הנך ראה ביום ההוא אשר תבא חדר בחדר להחבה²⁶ ויאמר מלך ישראל קח את מיכיהו והשיבהו אל אמן שר העיר ואל יואש בן המלך²⁷ ואמרת כה אמר המלך שימו את זה בית הכלא והאכילהו לחם לחץ ומים לחץ עד באי בשלום²⁸ ויאמר מיכיהו אם שוב תשוב בשלום לא דבר יהוה בי ויאמר שמעו עמים כלם²⁹ ויעל מלך ישראל ויהושפט¹ מלך יהודה רמת גלעד³⁰ ויאמר מלך ישראל אל יהושפט התחפש ובא במלחמה ואתה לבש בגדיך ויתחפש מלך ישראל ויבוא במלחמה³¹ ומלך ארם צוה את שרי הרכב אשר לו שלשים ושנים לאמר לא תלחמו את קטן ואת גדול כי אם את מלך ישראל לבדו³² והיה כראות שרי הרכב את יהושפט והמה אמרו אך מלך ישראל הוא ויסרו עליו להלחם ויזעק יהושפט³³ והיה כראות שרי הרכב כי לא מלך ישראל הוא וישבו

1 BHS has been faithful to the Leningrad Codex where there might be a question of the validity of the form and we keep the same form as BHS.

יהודה⁴⁷ ויתר הקדש אשר נשאר בימי
 אסא אביו בער מן הארץ⁴⁸ ומלך אין
 באדום נצב מלך⁴⁹ יהושפט עשר עשה
 אניות תרשיש ללכת אופירה לזהב ולא
 הלך כי נשברה נשברו אניות בעציון
 גבר⁵⁰ אז אמר אחזיהו בן אחאב אל
 יהושפט ילכו עבדי עם עבדיך באניות
 ולא אבה יהושפט⁵¹ וישכב יהושפט עם
 אבתיו ויקבר עם אבתיו בעיר דוד אביו
 וימלך יהורם בנו תחתיו ׀ אחזיהו⁵²
 בן אחאב מלך על ישראל בשמרון בשנת
 שבע עשרה ליהושפט מלך יהודה וימלך
 על ישראל שנתים⁵³ ויעש הרע בעיני
 יהוה וילך בדרך אביו ובדרך אמו ובדרך
 ירבעם בן נבט אשר החטיא את
 ישראל⁵⁴ ויעבד את הבעל וישתחוה לו
 ויכעס את יהוה אלהי ישראל ככל אשר
 עשה אביו

End of 1 Kings

The Westminster Leningrad Codex

Version 4.16

1 Kings

Attributed to:

Shemu'el ben Ya'akov
Aharon ben-Mosheh ben-Asher
ca 1008

Active maintenance of machine-readable version:

Stephen K. Salisbury, Editor
steve@grovescenter.org

Kirk E. Lowery, Senior editor
kirk@grovescenter.org

Transcription to Unicode/XML:

Christopher V. Kimball
transcriber@tanach.us

Edition:

Unicode/XML Westminster Leningrad Codex
<http://www.tanach.us/Tanach.xml>

Transcribed by WLC2XML of 6 Jun 2010 at 01 Jun 2012 @ 10:24:07. Build number:
23.0. Converted to ODT by XML2ODT.xml dated 22 Dec 2010 on 2012.06.01-10.26.
Build number: 23.0 . 38 pages. Layout: Full; Content: Consonants.

This document is in the public domain.